

溧陽縣志

地2202159

354

=2



光緒丙申重刊

西  
栗  
陽  
泉  
子

溧陽縣志敘

天下有公家之書而成於官不若成於私者史與志是也史自兩漢三國以迄六朝父子授受師友纘續卽有駁雜必自成家自改爲官書而蕪穢疏畧百弊叢生或廼顛倒是非乖反先後夫經學莫盛於漢義疏出而先儒之師說微矣然好學之士猶能博採而並存之至於史則有所不敢議野紀叢書更難於辨正也志者史之派別而細大懸殊宜可盡心然余見近時所修邑志其中卓然可傳者惟錢辛楣少詹所輯鄞志邵二雲學士所輯餘姚志兩先生皆以絕識博學考證古今咸有據依二雲又其邑人故能精審若是近則有唐陶山刺史

溧陽縣志

敘

海州志體例不戾於古他之爲志者類以邑宰主之其宰而賢有文者雖少異庸欸然或付託不得其人或以案牘之勞無暇悉心於此或漫不訾省督責迫促之而其書之可觀者尠矣溧陽之有志自宋始凡數修而迄於乾隆之八年距今蓋七十年矣前志旣未盡滿眾望而更厯歲久闕焉不紀有人物翳然之慨於是邑之士大夫請於前宰李君葛峰定重修之舉推史孝廉恒齋主其事余踵葛峰後承乏於此越兩年而觀厥成竊謂此舉廼士大夫之志又前宰李君爲之倡余何敢掠美以爲己功然卒有所不得辭而敘之者蓋此書有繫於邑人者一有助於余者二何則志以傳信必信而後可

傳恒齋老於文學熟習掌故於錢邵二先生書風所宗  
尙其考證必不苟余復爲定其去取斷無如前所云云  
者然則此志可信可傳當與海州志並稱旁邑之士大  
夫必有見而興起者以此志爲準邑之人不與有榮乎  
此繫於邑人者一也余初蒞官日邦之風土民俗都所  
未諳因輯是書隨時探討以爲采風問俗之先路其助  
一也自乾隆八年以後宰是邑者不可以數計中間數  
十年數十人其姓名里居皆茫然無考故老舊人亦無  
能言者今此志成於余爲宰之日志一日傳則宰之姓  
氏一日不忘姓氏一日不忘則其人之賢不肖亦與之  
不忘私自惟念其敢不策慮幅臆以無爲此邦人士之

溧陽縣志

敘

二

羞乎是其爲助也大矣用是不辭固陋而述爲志之難  
以塞士大夫之意挂名簡端庸有以自警也嘉慶十有  
八年六月八日知溧陽縣事錢塘陳鴻壽敘

溧陽縣舊志敘略

敘者所以敷陳書旨志經改纂體例必更而猶厯載原敘則敘之與書兩不相應焉用此贅設者乎但吳志所載前人敘跋共有八篇今亦難以刊落因并吳自敘共九篇錄之而姑見義例於此既是附存梗概不妨節取精醕如覽者欲考得失於原文舊志固具在也其厯修名氏亦隨時附列以備參稽

明萬厯帥志敘

溧陽有志自宋乾道始志者紀也紀郡邑之史也周官小史掌邦國之志外史掌四方之志以察民俗以稽吏治郡邑視古侯國而無史官經世之士膺厥任者以時

溧陽縣志

舊敘

考事次其闕失式備一方之史亦猶行古之道也故志者典章存焉教化寓焉治忽在焉匪徒具文侈觀耳矣我國家定鼎金陵設官分職應天領縣入溧陽土地視諸邑較廣其政賦殷繁視附郭二邑爲尤劇楚澤帥侯來尹茲土公暇繙閱舊志或濶略而未審其詳或浮靡而未核其實懼無以新羣黎之耳目而一其心志也爰請監司延致師儒證諸典籍詢諸父老凡幾閱月而志成總其綱十有三列其目五十有二本之所以廣學推之所以立政申之足以贊業垂之足以示遠者也侯以進士莅政二載廉正而仁恕明作而愷大行將陟臺省厯樞要以察百官均萬民區區一邑之志真莞爾於牛

刀云者然君子爲政不以備物飾治爲貴而以直道信民爲難夫苟不枉吾道不患乎民之弗信不疑吾民不患乎政之弗成故疆域以昭其勝人物以昭其靈宥績以昭其政典籍以昭其文茲志之大者耳目之所逮也其他財賦之出納經費之盈縮豪縷必析錙銖必較豈惟民莫之知而豪強貪暴胥此兆釁自非直道以求信於民者必不肯底慎於紀載之明盡然非紀載之明且盡亦奚以自信於上下之法守是故杜多取之門嚴兼并之坊尙有利於我民豈小補云者茲志也非直可以例諸他邑推而達之郡國天下裕如也傳有之經界旣正分田制祿可坐而定後之尹茲土者尙鑒之哉

案此段極

# 溧陽縣志

舊敘

二

言帥志賦役詳慎利民而山居野志專駁之當俟詳考

萬厯甲戌仲冬之吉賜進

士及第亞中大夫雲南參政致仕前南太常少卿翰林侍講經筵國史官同修會典浚儀邢一鳳書

案其時纂輯者邑人陳邦治宋臣熙滕養志彭履常又有山居野志邑人狄斯彬撰

## 國朝康熙丁未徐志敘

江陵徐公履常治溧甫下車卽有志於治天下之大端先取境內之圖籍觀焉因以問於不敏穎知予故嘗有志於一邑之事也予廼舉所藏前侯符帥二公志并鄉先生狄公野志共三帙及予所自輯閩史合而是正於公公則於制治之暇採擷成編焉凡邑之事載於編中

者州野之分畫山川之表會官府之建置學校之興修  
祠祀之秩文而橋梁溝塗亭臺館圃郵舍戍障廡庠之  
細寺觀之幽靡不具焉以至風氣之有漓漓吏治之有  
隆汙民生之有休戚地方之有舒急財計之有詘盈人  
材之有盛衰防禁之有完竄則皆公之所經營無倦也  
蓋其所以綜理於邑中者極誠且敬故卽其編摹所至  
而皆足以徵其周慎也吾觀古之求治之殷者常隨事  
而設教因教以守常而達變而所爲集眾美以永其傳  
則莫備於邑志舉一志而不徒爲一邑之志求之於天  
下之大焉讀其發端而鏡作者之無不該也舉一志而  
不徒爲一邑一時之志求之於今古之遠焉讀其前後

## 溧陽縣志

舊敘

三

之所援引而并鏡於其設縣之本末也舉一志而不徒  
爲一邑一時一人之志求之於某事而非必某事之爲  
某人設也求之於某人而又非必某人以某事傳也求  
之於人與事相符相鑿之故而某人之所爲某事之所  
繫又非必其通於作者初終之大其也斯廼以知

極盛之世治術尊於

一人學術明於人人卽以是爲貫人天右神明合道藝動民物  
之用也又奚歉焉予廼因是而深有慨於邑志之成之  
難也宏治之志邈矣萬厯之志成於江陵帥公而鄉先  
生狄公以田賦實徵爭之爰有野志要各無競心讀者  
自有酌量焉天啟之志成於慈谿董公而虞孝廉實職

其事已脫橐矣橐留鄉先生某所不傳順治中閩縣林公見予閩史將付梓人尋以他事去不果蓋帥公志闕今九十五年始得徐公繼之又皆江陵人也茲志於溧陽其因創之間乎於江陵其後先之揆乎故讀之而若古人之擁揚於其上於其左右也抑讀之而若今人之同堂而處相與揖接醕答於筆墨之間也由一邑及於天下而使之各有其文章各有其政事焉可不謂之盛業乎哉今公晉秩中翰代者且至而猶惓惓於此必期剗剔竣事以誥諭於邑中予故審謨猷之所肇尊問學之所正而推是編於符帥之上予閩史又奚足云敬以是復公之請康熙六年歲次丁未邑人吳穎撰

## 溧陽縣志

舊敘

四

案其時雖未有邑人助纂而書中事實悉本吳穎閩史特卷目頗異耳

康熙癸丑王志敘

溧陽爲金陵屬邑幅員廣輪大約百里其地山水相半其民火耕水耨飯稻羹魚諸種擾外無異產田塍塵肆外無袞業而鉅公名俊代不乏人今猶昔也故稱名邑邑有志始自宋乾道迨明符帥諸公代修之而皆不如今之吳太守閩史爲尤詳且核康熙丁未前令今中翰江陵徐公纂修大旨指衷於三家亦已大備辛亥錫瑄來爲令癸丑奉檄重修距徐公之修才六年輿地建置山川財賦軼事之屬類無增損惟夫官師代遷頻歲繼



起科名新榜視昔彌增而山川鍾毓人物英多或甫沒世而名稱亦有歷年而論定是皆不可以不志也故今爲志官師補若干人而添設若防師等視此矣爲志科名補若干人而諸貢薦辟若援例等視此矣爲志人物如孝義如循良如文學如貞潔補若干人而方伎流寓不必補且無可補矣夫溧自東漢壯侯以功臣列爵於此故其人至今多立功名善表建或少壯登朝宏通適用或方州郡邑所至著聲自伯喈元暉太白東野來遊遺有讀書洗墨登樓射鴨諸勝故其人至今雅善屬文喜獻詠大而鴻筆爲國之風雨小而短章亦世之琳琅又有奇女振窮名垂越絕不屑酬劍自甘沉江故至今

溧陽縣志

舊敘

五

女子多貞嚴虧禮越義之誠長厚成俗表指困捐粟之槩此皆風化之所自也若乃趙著三忠楔殉妻子精貫星日垂法方來後之君子爲良臣爲名臣爲能臣則皆忠之屬也不專傳忠而忠傳其餘孝友諸傳則必各因其事類而傳之者也序記歲月並爲及此抑此百里之幅員亦可以稱名邑矣康熙癸丑仲冬之朔知溧陽縣永嘉王錫瑄撰

康熙甲子成志四敘一跋

說者謂作於前者難爲功述於後者易爲力而予獨不謂然夫人創未有之書成不朽之業縱力肆志以圖之前無所師後無所忌豈不綽有餘裕若守前人楷模爲

之步趨焉縱抱伯喈曠代之才不過青於藍而寒於水豈能獨出機杼成一家言也哉溧志自宋元而上遐哉不可考已有明修自符帥

本朝纂於徐王踵事增華積薪致慨久矣今天下海宴河清放牛歸馬

朝廷議修大一統之書先

命各省郡屬續補志乘懋勲承乏茲邑甫及下車望伍大夫立馬之峯弔史義女投金之瀨山川鍾秀甲第巍峩文章氣節爲金陵屬邑之冠矧中郎書榭石戶猶存太白酒樓風景不異雖復碑斷薈薇石孤忠義未嘗不低徊感慨慕尙高風獨惜牽於簿書難與筆墨從事耳遂謀諸

### 溧陽縣志

舊敘

六

搢紳敦請鍾陳兩君司董狐之任此兩君者英年高第閉戶著書其才其學與其志非不欲考訂經史搜羅野乘刪繁蕪而補闕略再成一書以昭太平盛事也廼限於時日述而不作凡山川官師科名人物諸條例悉因舊文增益之而水利兵制物產賦役諸篇則皆言之鑿鑿經緯秩然可想見其胸中所有其才其學真可與讀史并可與作史者矣僅產羽邑志已乎刻成遂書數言爲之敘康熙二十三年歲在甲子知溧陽縣長垣成懋勲撰

案其時纂輯諸人見下敘跋

將使官斯邑者有所稽以成治生斯邑者有所感以成

俗則必取乎志是故邑志之舉良有司務盡心焉而不能不於邑之人是問蓋非邑之人弗習弗習則爲舛誤爲挂漏往往多有淆綦帛於製錦升鼎俎以寸鬻吾未見其善也然則志之藉手邑人可知矣今

天子以中外一統

詔郡邑交修志事而吾邑成侯甫奉檄卽廣詢博採進予與陳子而屬筆焉爰是入館濡豪謀所以修志之要夫溧之志舊矣若符若帥若徐與王亦旣釐然以備而或者以後之繁不及前之簡余曰否否邑志貴詳詳貴覈覈貴文不詳則漏不覈則浮不文則傳之不遠今一邑之志雖累千百紙進而爲通志存者什之一矣進而爲一統

### 溧陽縣志

舊敘

七

志存者又百之一矣而於邑先有所缺遺何以待採擇且志與史不同史昭勸戒志備參考昭勸戒則筆削宜嚴備參考則凡一建置一興革一嘉言懿行務亟收錄焉唯其紀往徵來信今傳後已耳廼雌黃其口摘瑕而棄瑜不亦繆與陳子以爲然於是披覽舊志舛者訂之逸者補之新者增之閱月而橐成雖未敢謂言之文行之遠然旣詳旣覈庶乎一邑之大觀具矣由此而推之郡國由此而推之天下斟酌損益卓然昭一統之書用以輝煌

文治黼黻太平詎不盛哉此予與陳子之志所以報命成侯者也雖然凡予兩人之爲此日夕匪懈以折衷於鄉士

大夫固已合一邑之人修一邑之志不過藉僉謀以免失墜焉耳若謂余兩人憑胸臆以擅其成也又烏乎敢康熙二十三年歲次甲子邑人鍾于序撰

溧之見於夏曰中江見於周曰瀨水兩漢而下史不一書矣迺三千餘年志乘闕略非果闕略也宋以前之事今具見於景定建康郡志至明宏治萬厯間符帥二公乃始後先纂輯邑志焉

本朝康熙間徐王兩先生增華繼起歲在癸亥

朝廷將修一統之書

命下直省重修通志時泰適應邑侯之請濫膺纂輯撫躬自問不勝赧且懼者蓋欲搜二十一史補山川人物之勝於

### 溧陽縣志

舊敘

八

邑志有神矣慮翻案於先達欲踵前人步趨聽浮沈於時好於人情無忤矣終噴飯於後人兩者交戰於胸而筆不敢輕下者再忽自信曰吾亦無愧吾心而已見一忠孝亟稱述焉不敢效吾家志三國者索米作佳傳也見一節義亟採擇焉不敢學續劉向書者濫收三易操

之文姬入列女也

案原本誤以爲子鼓濫收西漢人安得錄及東漢之末續列女傳有之耳

故改所見者自信其詳且慎不敢有異辭矣而所聞并

所傳聞者限於前志之闕略時勢之拘牽不敢是正又深愧於無異辭名山大川間氣時鍾所望後乎此者網羅舊史旁搜野乘述兼以作爲瀨水胥山力開數千年生面秉筆者無掣肘之歎旁觀者無固陋之譏庶吾心

不能伸於今日之遇而或見諒於後人之心安在秦王  
轍迹齊帝登庸諸大事

按上句據越絕書始皇東遊奏東安寧富春丹陽溧陽云云下

句據南齊書蕭鸞嘗爲永世令後卽位是爲明帝二事舊志不載故此敘及之彪炳前史

案原本作

不炳彪正史不知南齊書固正史也越絕書乃雜史耳故改之而志書終或闕畧也哉

倘第云官師之升降科名之登載土田錢穀之徵收一

胥吏事耳於邑志雖不無少益然吾輩秉筆之心終自

視闕然矣康熙歲在甲子邑人陳時泰撰

案此敘深以時勢拘牽不

敢補正闕誤自歎而有望於後來識見超絕當時莫能從其說而盡其才爲可惜也

以一邑概天下難免蠡測管窺之見烏乎知其大然天

下者一邑之積也士不出戶庭而知天下事

上不遺輜軒之使而可以彙成車書大一統之志胥於邑志是

### 溧陽縣志

舊敘

九

賴去秋

朝廷有事乎纂修會典

詔直省各修通志而必以一邑之記載發其端董率之檄頻下

邑侯成公黽勉從事必欲延致博洽之儒諳古蹟而通

世事者秉筆爲之庶免紕繆遺漏之譏以訪於余余以

鍾君東澤陳君尙于對二君旣膺是在殫心編輯以徐

王舊志爲筌鉢而斟酌損益之廣以學士之見聞參以

稗野之記述暨孝子慈孫之家乘凡一言一事之媿無

不節取而嘉子焉甯博徵而毋遺美甯傳疑而毋臆斷

凜凜乎詞之繁而不失之穢且雜余爲之反覆紬繹知

二君之爲是書非徒侈綜覽之富也蓋藏往卽以知來

爲後人立之鑒焉故微星野則牛女之躔次卽法春秋  
之不言事應而事應具存爲修省之資也辨山川則南  
嶺北洮之界卽法王制之濬洩封表蒐叢慝而慎隄防  
爲未雨之計也釐賦役則念條鞭畫一之冊奉公便民  
慮遵行者浸失其初而橫征私派之剝下也核吏治則  
法太史公之美惡並著循良何以璽書見褒貪酷何以  
墨刑示誠書名書氏皆可爲吏事之師矣至若文章忠  
孝高士列女諸傳疇若淑而不彰

國朝首重制義兼採詞賦而科貢諸途與山林隱逸之士  
無不徵求疇若微而弗錄斯貴貴賢賢之義交盡者矣  
是在後之讀者循名以核實因辭而逆志則邑志之所

### 溧陽縣志

舊敘

十

係豈淺鮮哉余從二君之後閒効咨詢校讐之勞而謏  
陋未敢涉筆幸得與名簡端故綴數語以質之高明其  
猶存蠡測管窺之見也夫

賜進士第邑人吳琇撰

聖天子聲教誕敷車書畢集

特詔直省廣求名儒重修通志以成一統之書吾邑成侯咨訪  
英賢得鍾子東澤陳子尙于以任董狐之筆如瑾雖謏  
陋未敢妄參蠡測而欣逢盛典共襄厥成不禁肅然起曰  
邑之有志猶國之有史也史昉春秋春秋之書因魯史  
而筆削之傳其舊也春秋之義善善長而惡惡短惟其  
公也溧邑之志符帥創於前徐王纂於後踵事增華彬

彬盛矣至於嘉言懿行上備

朝廷採擇下垂一邑典型纂輯之下徇眾固嫌於濫執已  
又病其私今鍾陳兩君高才碩學著作等身皆可前無  
古人後無來者區區一邑之志豈不能旁參二十一史  
博覽山川人物獨出其胸中所學一筆一削卓立成書  
爲黼黻太平之盛事而乃青出於藍裒資於腋取前志  
所未有而增補之隨聞見所已及而收錄之是遵何道  
哉傳其舊也亦惟其公也此余於兩君不獨深服其才  
而深諒其心也與若夫天文之災祥水利之通塞建置  
之興廢賦役之增減官師科名之記載忠孝節義之表  
揚志固燦然言之余可勿贅

溧陽縣志

舊敘

十一

賜進士第原任福建福州府推官陞金華知府邑人黃如瑾跋  
乾隆癸亥吳志敘

天地其運處乎萬物其萌庶乎聖賢豪傑其日出而不  
窮乎孰紀極之而使流傳於千萬年哉夫自乾坤開闢  
龍圖鳥蹟紀載鴻濛惜墳典邱索半多湮沒及章亥縱  
橫以後輿圖地理庚庚堂堂禹貢一書詳載土田山川  
平成之數其後復有山海職方王會諸書以佐之而歷  
代史家並立地志皇皇乎蒙泉日下皆入簡編矣我

朝

列聖相承

德教所被無遠弗届

特命內外臣工續修一統志諸書以垂示萬世巍乎煥乎自神州赤縣以及梯航輶譯之區山川職貢瞭如指掌軼漢唐而隆虞夏矣江南古禹貢揚州之境其星野疆域周官史記約略可考自班固前漢書而下郡縣加詳幅員之廣山川人物之秀雖海澨江洲比他省上郡而溧陽春秋平陵舊地固城湖其址也案二可誤詳見疑辨自伍員北伐山爲胥山河爲胥河而投金之瀨吳越春秋具載其事李謫仙所云風號吳天月苦荆水令人生憑弔之思者顧其文獻之流傳向俱附載江甯郡志而邑乘創於宋趙廓夫今不可得見矣明嘉靖邑令符公觀始復纂修繼之者則萬厯間邑令帥公蘭也

## 溧陽縣志

舊敘

十三

本朝文章制度超軼前修康熙間邑令江陵徐公一經復纂集成書已有鐫板厥後王公錫瑄成公懋勳續爲增補迄今剛周一甲子矣乾隆三年板燬於火何忍以千百年之文獻而遽付之一炬往者不可徵來者將誰問乎學濂初莅茲邑未悉其風土人情諸紳士告予宜修邑志予以有待辭且懼才力之不勝任也顧惟溧邑山有石屋伍牙芝峯白石之奇水有五堰洮湖九陽千里之勝煙巒合沓波瀾壯闊昔稱畿輔控扼江湖距海不及三百里甯非東南形勝要害之區哉今亦旣庶且繁矣且千百年來人材蔚起忠義著於南宋文物盛於熙朝甯非觀風者所宜採訪而傳述乎學濂七年於茲公餘



之暇訪諸遺民耆舊之傳聞彙諸里巷稗編之記載卽舊本而損益之不敢謂辭文旨遠廁著作之林而臚列山川紀極人物使文獻足徵以信今傳後爲職方氏之權輿意者其在斯乎乾隆八年歲在癸亥孟冬知縣事高安吳學濂撰

案其時纂輯者邑人翰林院庶吉士陳大輪前江西瀘溪知縣沈元煉湖北羅田知縣彭朝佐揚州府甘泉縣訓導蔣音孝廉方正史燾進士周懷濟狄颺舉人黃兆熊宋辰史貽謨任奎書彭暉生員潘望孫狄重陳匡馬述元捐資監刻矜耆狄如洵潘上達潘成吉王颺姚拔宋學瀛蔣國琦朱其學陳奕仁陳志馨

溧陽縣志銜名

各憲鑒定

太子少保協辦大學士兵部尚書都察院右都御史總督江南江西等處地方世襲輕車都尉百齡  
 兵部侍郎兼都察院右副都御史巡撫江甯等處地方總理糧儲提督軍務朱理  
 兵部侍郎兼都察院右副都御史總督漕運提督海防軍務兼理糧餉阮元  
 兵部侍郎兼都察院右副都御史總督江南等處河道提督軍務黎世序  
 吏部右侍郎正黃旗滿洲副都統提督江蘇等處學政文甯  
 江南蘇州等處承宣布政使司布政使世襲雲騎尉慶保  
 江南江蘇等處提刑按察使司按察使兼管驛傳事楊懋恬  
 督理江安徽甯池太廬鳳淮揚十府糧儲道繼昌  
 督理江南蘇松常鎮太糧儲道兼巡視漕河李長森

溧陽縣志

銜名

江蘇分巡常鎮通海等處地方兼管河務兵備道督理揚由關務劉澧

江蘇鎮江府知府盧元偉

江蘇鎮江府鹽捕海防理事同知懷錦

江蘇鎮江府糧捕通判管理客務周岱

總修

前知溧陽縣事調任常熟縣知縣李景嶧

溧陽縣知縣陳鴻壽

協修

教諭潘恩印

訓導許會昌

縣丞劉大章

典

史張廷杰

纂修

前興化縣教諭 咸安宮教習史炳

國子監學正改授常州府教授史度

舉 人彭煜

歲 貢 生彭敬

生 員史津

監理

監 生狄曼殊

封奉直大夫州同加 級狄箕

監 生趙亦庸

溧陽縣志

銜名

一一

監 生馬繩武

採訪經捐

監 生史重修 監 生史藩

監 生韓季英 監 生莫廣才

監 生王如昂以上永東區 副 榜蔣先庚

監 生楊彥斌 耆 士楊步蟾

監 生史聖康 生 員姜尊德

生 員莊蒞之以上永西區 生 員周懷珍

生 員周高煥 增 貢 生潘昭

監 生潘芬 生 員潘韞玉

以上補 賢區 職 員宋培

生

員狄修

廩

生狄升

生

員張履旋

以上上舉  
福區

舉

人葛暉吉

歲貢

生唐岐

生

員陶恩光

生

員趙魁

生

員宋序鏞

生

員唐燦

監

生戴清

以上明  
東區

廩

生黃玉成

監

生宋紀良

以上明  
西區

生

員朱華

監

生張汝南

廩

生尤吉

生

員陳重光

監

生戴璜

監

生張挾

溧陽縣志

銜名

三二

以上患  
得區

生

員方榕子煊

監

生錢玉山

生

員錢勳

監

生王利清

生

員王之維

監

生王拱辰

以上得  
隨區

監

生吳德先

貢

生朱東魯

監

生韋旭初以上從  
山區

生

員趙讓

生

員王旭

生

員虞學常

文

學虞名緒以上桂  
壽區

監

生湯岳

附貢

生湯徵召

監

生強南珊

以上奉  
安區

舉

人宋兆麟

職

員董嶽

監

生孫鎰

職

員余耀

監

生蔣達禮

文

學蔣繩桂

以上崇來區

生

員陳敦士

監

生沈漣

生

員陳懷周

監

生陳岳泉

監

生潘學詩

以上來蘇區

檢

討陸際昌

監

生葛弼

監

生呂匡武

附

監生呂維寅

生

員陸占鼇

附

貢生楊浣

生

員陸鵬九

以上永太區

封登仕郎仁和縣主簿李振

監

生虞謙

監

生張珍

溧陽縣志

銜名

四

生

員馬玉駒

生

員馬樹榮

監

生梁愷

生

員史蔚文

附

監生顏光鎮

以上永定區

舉

人彭啓光

生

員錢運增

生

員彭龍初

以上永利區

溧陽縣志凡例

一是書前奉 制府檄飭所屬纂送以備彙修江南通志並立程限務在詳明竊惟志書首嚴體例必式於成軌方可造車謹案乾隆元年黃中允之雋承修通志總二百卷釐為十門輿地河渠食貨學校武備職官選舉人物藝文雜類粲然備矣子目數十分而隸之

四庫書目嘉其具有條理今輒依循其各條專例與各門總例附見書中者茲不具列覽者省照全編足以互相備云

一志者史之一體獨宜載輿圖政典之類而已然李吉甫元和志序有云古今言地理者凡數十家飾州邦而

溧陽縣志

凡例

一

敘人物因邱墓而徵鬼神則知自唐以前承用一律而偏隅記載較諸元和郡縣元豐九域一統之規既是小大相懸即須繁簡有別且邦人之意固不能備文而遺獻若輿圖政典之外更仿京口耆舊浦陽人物別為一冊相輔而行亦祇簡編離合之不同非著作醜疵之所繫也是故後之述者正不必盡依史例惟瀏覽眾家不無通蔽或好尚古遠傳疑謠俗

元和志序語

或自述鄉國不

參他書

社佈通典注語

此紀事之失盡飾勲庸常嗤迪敗

劉繼文心

雖龍語

擢後生於首帙抑先輩於末章

劉知幾史通語

此列傳之

失又有土地職秩不實書當代名目而易以文言長吏達官不直書本人名氏而稱其位號今略循史例補正

爲多其漫無足考則姑從舊志云爾

一建置沿革輿地大經考之不審則疆域形勝旣昧方隅職官人物亦滋傳會案溧陽之爲縣遠起周秦其後縣有分合有興廢屬郡亦有異同事載正史非能鄉壁虛造而學者第勿深考改事失真遂使平陵設於楚將永平析於漢武指沛屬爲丹陽之縣移武康作瀨上之封誤始宋元非關晚近茲焉刊正悉據史篇

一山水所以標置封域區別夷險鄭樵通志謂州縣之設有時而更山川之形千古不易誠輿地中要領所在也然諸志皆散列名目中無脈絡可尋今敘山分三大支起首訖尾略依山海經例敘水分五大支入此出彼

## 溧陽縣志

凡例

二

略依水經注例並載方隅距里雖未能足跡周流用儀實測要皆訪之地著耆老熟路長年庶幾得其梗概覽者若更參之新製全圖則高下真形宛然在目矣

一舊志本無河渠今依通志增立蓋川浸源流或可併入輿地至於高原下隲利病情形舊邊新塘廢興顛末若置之輿地是爲名義相乖史記無地理而有河渠前漢溝洫別於地志良有由耳且三江五湖溧陽各得其一遠關數郡之利近寄百里之命爲立埽門固非虛張部帙鑿空無稽也

一食貨以田賦爲本乾隆八年吳志所載現行科則信爲賅備前明亦尙條舉大端而宋元兩朝闕略殊甚今

悉據景定建康至正金陵二志補載兩朝舊額前明及國朝則參據符帥徐吳諸志并嘉慶四年賦役全書詳慎開列其餘一切倉儲戶版之數利用厚生之事凡史書案牘有足徵者不限今古詳著於篇

一溧陽學校在古可考者漢之潘乾唐之柳均皆以宰官作之師非以博士專其席也宋大觀元年顯惠廟碑知縣縣丞簿尉猶並管句學事然則自宋以前師生員額弦誦條章茫然莫考矣故今之所紀亦第詳自元明迄於

盛世但舊志殿闕祠堂亭閣之屬分類敘之則使以同時而修建諸所勢將分見複出不若徑依時代歷敘廢興斯

## 溧陽縣志

凡例

三

文隆替之原亦即於茲可見云

一溧陽所治僻左非用武之地然自

國朝先有副將參將守備之設後改都司所轄溧陽溧水句容高淳四縣營汛兵馬之數戰守之規宜立武備一門用彰詰禁案舊志營汛之後附以鋪兵旗丁今改歸輿地食貨而此志則專詳兵制其前明馬政歷代兵事附載焉

一舊志職官分類通敘如敘縣令則自東漢潘乾迄乎現任縣丞簿尉並依此科但敘至元代則苦非一例蓋其時路府州縣改置紛紛非令丞簿尉所能統括遂乃尹儕州將丞列州同州判與主簿同官吏目與縣尉合



職名實濬矣而尙苦於達魯花赤總管同知判官錄事錄判招討之屬無類可歸乃又別立一門曰添設諸官附於歷代官師之後自來志簿無此體裁今則斷代敘官不以一官通敘如此既免於元制之窒礙亦使累朝沿革具見本篇而繁簡之數亦即得失之林也又題名列傳乃知人論世吏治民風之所繫今旁考載籍自東漢光和四年至

國朝乾隆八年文職之屬增多吳志二百六十餘人其八年以後所續不在此數而自光和潘乾至乾隆間郭占選不限官師大小但政事文學足可儀型悉爲列傳命曰名宦其不曰循良者從學宮建祠名目也

舊志官師之傳曰宦

## 溧陽縣志

凡例

四

蹟蹟應蹟字之譌耳從名宦爲是

一杜佑通典先選舉而後職官蓋以欲審官才必預嚴選士也但顛俊之法文軌攸同非此偏隅所當專載旣規欲充卷必取題名豈宜擢此邦人加諸長吏則選舉之後於職官亦體勢然矣溧陽在東漢六朝之世分茅執珪半由承蔭殘唐北宋尙鮮登科迄乎建炎以後衣冠過江科第不絕沿元及明盛於

皇朝百七十載進舉貢士已得四百餘人薦辟議敘不在此數今上下千禩蒐討名籍分途記之科仕之盛衰固由於士族之眾寡要亦運會使然也

一書中爵秩封蔭本非列傳而置之人物志者以其不

得敘入選舉又不能悉予列傳若不歸諸人物末由見其姓名故也又案舊志人物義取廣爲表章今茲改纂並未刊落一人或見他書并與增加軼事至於新所採錄咸有據依首徵史集碑摹次取宗譜切結其完節奉旌之外祇以採訪譜結爲憑吳志凡例亦只據此耳一郡縣志每輯詩詞敘記名爲藝文甚而分體別卷儼然選本今依宋范成大吳郡志例詩文之類散附本條而藝文一卷則依歷代史志但載書名卷數擬人名氏分轄四部無取斷章始欲訪求諸書尋究大指依宋代以來著錄家例每書作一解題奈其存者十無一二故遂闕如非甘爲是疎略也

## 溧陽縣志

凡例

五

一是書訂正譌繆往往附見本條以便省覽其或偶未置論及語焉而不詳者悉歸之雜類志名曰疑辨雖此外不無挂漏中間亦有支離要其本衷在於實事求是異乎好生矯誕喜述前非者也范甯頗糾穀梁劉炫專規杜預道元明水經之失實君卿黜鄉郡之謬書專門述作尙容替否若此者眾矣况於後來記乘取辦一時卽非郢書之流斷無墨守之例何言蠹生於木而還食其木耶雜類志又有瑞異則五行符瑞前史固嘗專記有紀聞則世說語林史通所謂瑣言者也卷終補遺與建康拾遺金陵撫遺循名則近核實固殊彼所錄者古今軼事卽此書紀聞是也此之補遺則頗有書成方始

搜得者亦間有正文難以位置者故悉補之卷終以備  
參覽

一新志援引之處必標注本書非夸示涉獵也作者欲  
更繙卷軸比唐堂之自規覽者或共討淵源作蕭山之  
刊誤胡三省敘通鑑有云前注之失吾知之吾注之失  
吾不能知也昔賢秉心虛公若此篤雅之士尙其鑒諸

溧陽縣志目錄

新敘二篇舊敘跋共九篇銜名四百  
凡例十四條圖說十六幅俱不入卷

卷一

輿地志

建置沿革

疆域

附星野

山水

風俗

城池

公署

卷二

輿地志

驛鋪

附亭館

區村

橋梁

坊表

卷三

輿地志

溧陽縣志

目錄

一

古蹟

三城亭臺  
碑帖雜物

園林

卷四

輿地志

壇廟

祠墓

寺觀

卷五

河渠志

水利總說

塘邊

卷六

食貨志

田賦

漕運

稅課

鹽法雜項

戶口

耆民

附農官

蠲卹

積貯 庫倉又附  
前代廢倉

養育 二堂一院  
附義阡

物產

卷七

學校志

學宮 附諸祠

學額

學田

書院 附考棚

社學義塾

鄉試錄對附

卷八

武備志

兵制

汎地

前明馬政

兵事附

卷九

職官志

溧陽縣志

目錄

一一

文職

文題名

武職

武題名

名宦

卷十

選舉志

進士

舉人

薦辟

貢生

耆儒科銜

例貢監

各途文職

武進士

武舉人

各途武職

卷十一

人物志

古爵秩

封蔭

宦績

卷十二

人物志

忠節

孝行

義行

卷十三

人物志

儒林

文苑

隱逸

始遷

附外  
徙

流寓

藝術

方外

卷十四

人物志

賢淑

才媛

貞孝

溧陽縣志

目錄

三

篤孝

貞義

貞烈

完節

卷十五

藝文志

經部

史部

子部

集部

卷十六

雜類志

瑞異

紀聞

疑辨

補遺

溧陽縣志圖并說

溧陽新志首列全圖據今封域所作也

案兩漢溧陽跨今溧陽溧水高

溧三縣之地吳罷溧陽以其東境置永平晉宋齊梁陳之代西溧陽東永世隋之開皇東仍永世而西改溧水唐之武德西仍溧水而東改溧陽歷宋元明以迄於今未之有改然遠年四至無文足徵故此圖及疆域條下祇據今言之大抵唐宋以來舊壤如此惟

縣東西百里

宋端拱嘗割三鄉益建平餘難悉考矣  
南北百五十里乃舊圖東西反三倍南北真形全失覽者迷方今先畫方格每格十里以紙覆之山川城鎮方隅距里準格定列於晉裴秀所論六體差得大意惜未獲準望耳次城圖又次縣署圖又次學宮圖亦並據今治末附名勝圖十二咸古蹟所繫見於史集諸書餘不備列云

溧陽縣志

圖

全圖









溧陽縣志

縣署圖

圖

三





溧陽縣志

學宮圖

圖


四



溧陽縣志

名勝圖


石屋山吳  
 時鑄劍處  
 雲山阻深  
 樹石老壽  
 歐治無神  
 不逢鷓九



圖

五

武功橋




溧陽縣志

圖

六

邑



溧陽縣志

圖

投金瀨子胥  
報史貞女處  
湘壘博塞  
溧女耿介萬  
古忠貞淺又  
石瀨

七



溧陽縣志


長塘湖有晉宋  
 間戰事五湖之  
 一也  
 咸和舟軍泰始  
 水岩久矣承平  
 湖山一尉



圖

盤白山晉李  
 盤柏僊處  
 六朝屯否  
 邑多道隱  
 黃鶴前輩  
 皤仙後遜

歷




陽

八

溧陽縣志


圖

九



溧陽縣志


平陵晉縣  
周玘所封  
義興郡屬  
也唐孟東  
野射鴨堂  
在焉  
射虎家兒  
勳封六縣  
如何竹弓  
笑彼浪戰



圖



十





溧陽縣志

太白酒樓宴別張  
旭處今建之縣城  
非故址矣  
前有猛虎後有長  
鯨一吞東海空梁  
月明

題




圖

十一

北湖亭太白  
遊此有詩  
与白遊者  
曰孟山人欲  
尋鴻爪大江  
揚塵

題




題

溧陽縣志

圖

十一



燕山在城南  
 金地藏嘗行  
 脚至此七月  
 香烟之盛亞  
 於九華  
 采竹寶坊  
 鐘魚清梵王  
 子所經化城  
 斯占

圖





溧陽縣志

三塔滄舊  
有寺張于  
湖題柱  
白塔青旗  
陵隕谷遷  
舍人泊處  
秋水依腴



圖

十三




溧陽縣志

圖

西



圖




圖

溧陽縣志

圖



山山巖宋巡檢  
 所駐朱子詩碣  
 尚存趙忠愍嘗  
 屯守於此  
 晦翁來時人耕  
 綠野如何百年  
 戈船鉄馬




十五

溧陽縣志

芟山石林  
 宋寶祐間  
 趙丞相蔡  
 題字咸瀆  
 二年從子  
 真携客遊  
 訪正丞相  
 卒年也  
 咸瀆諸趙  
 摩挲舊題  
 誰知是年  
 星隕如箕

圖



圖



圖

六

溧陽縣志

圖



文昌閣在城上崇祀  
 星神邑中登眺佳處  
 安溪先生為作畫贊  
 下有靈雨亭杜蛻斯  
 陳伯璣嘗游咏焉  
 清容祠星子瞻喜雨  
 俯仰人天歎歌今古

圖

鳳皇橋縣西北里許  
 初自明代康熙間重  
 建趙氏忠義石在焉  
 与太白酒樓相望雙  
 橋兩水適合宣城北  
 樓句意  
 靈胥西來醉白東逝  
 試眺雙虹江湖滿地

圖



十七

溧陽縣志

圖




十八

蕪湖汪鴻繪圖

平陵書院在滄嶼  
園東乾隆間建後  
圃蒼雲石宋物也  
嘉慶壬申陳明府  
徙城南玉玲瓏諸  
石於西齋曰題其  
壘曰友石  
薦臺既廢鱣堂以  
興惟德不孤它山  
作用

圖





溧陽縣志

圖



十九

溧陽縣志卷一

輿地志

建置沿革

周溧陽先屬吳

案吳越春秋越絕書春秋時已有溧陽之名矣宋樂史太平寰宇記周應合景定建康志並據滕公廟記謂固城本吳之賴者縣為楚所陷乃移置陵平縣楚復收之改為平陵今案周秦兩漢之書並無諸縣名目而廟記文殊不古未足憑也詳見疑辨

繼屬越

史記六國表周元王四年越滅

後屬楚

史記越世家越王無疆盡取故吳地至浙江北破齊於徐州參之六國表

在周顯王三十二年縣治所在未詳

據滕公廟記則吳之賴渚治今高淳之固城而陵平平陵

治今平陵山要皆未有確據不如闕疑

亦未知有無屬郡

杜佑通典謂春秋縣大郡小故

傳云七大夫受縣下大夫受郡至於戰國則郡大而縣小故甘茂謂秦武王曰宜陽大縣名曰縣其實郡也而越絕書稱始皇帝三十七年壞諸侯郡縣城是周末諸侯固多以郡統縣如戰國策楚以新城為主郡楚世家

溧陽縣志

卷一

輿地志

建置沿革

一

襄王取秦所拔江旁十五邑以為郡秦本紀魏納上郡十五縣皆其確證特吳越之地未知置郡與否耳

秦仍置溧陽縣

通典謂溧陽秦縣者蓋仍周舊名非謂始置也又案越絕書乃漢袁康撰據稱

始皇帝三十七年東遊之會稽道度牛渚奏東安東安今富春丹陽溧陽云云豈漢之三縣在秦俱號東安耶抑丹陽溧陽四字符文耶然富春之改東安亦係孫吳時事豈秦代已有此耶抑越絕三國時書非出漢人耶

縣治未詳屬鄣郡郡治今長興縣

舊縣志云秦溧陽屬鄣郡案秦置鄣郡見

後漢書郡國志注晉書地理志劉敞謂秦郡無此所未詳也據兩漢志溧陽屬丹陽而丹陽即鄣郡漢武帝所改雖鄣郡治故鄣丹陽郡治宛陵而其屬縣或無改廢然則秦溧陽屬鄣差為可信矣宋王應麟通鑑地理通釋謂郡治故鄣今在湖州長興縣西南

兩漢並置溧陽縣西漢治未詳東漢蓋治今高淳固城

案光和校官碑即溧陽長潘乾德政碑也應無立

在遠鄉之理宋紹興得之固城湖疑其去治不遠又案西漢初縣所屬國先為韓信楚繼為劉賈荆後為劉濞

吳又後為劉非江都然其所屬之郡皆鄣郡也至武帝

元封二年廢鄣郡置丹陽郡縣始改屬焉丹陽郡治今

甯國府案兩漢志丹陽郡並有溧陽縣又案元封二年

甯國府改秦鄣郡為丹陽郡謂鄣郡屬置丹陽非謂丹

陽仍治鄣郡也漢志於丹陽郡屬縣俱首宛陵其至東

漢建安之末孫權以呂範為丹楊太守丹楊即丹乃徙

郡治於建業則今江甯府也據三國吳志呂範傳

吳省溧陽為屯田又分其地置永平縣據宋書州郡志縣治疑

即今城南十五里古縣是案今境內有古治三城西北

也城西三十五里平陵城晉永世所分平陵縣屬丹楊

郡郡治仍東漢末治也然則城南十五里古縣當為吳永平縣治

# 溧陽縣志

## 卷一

輿地志

建置沿革

一一

俱屬丹陽郡據晉書地理志永世仍吳永平治溧陽仍漢治郡

治仍東漢末永興元年又分永世置平陵縣俱屬義興

郡據晉書地理志平陵治今城西三十五里平陵城義興治今

宜興縣尋以永世仍屬丹陽郡案宋書州郡志稱晉惠

帝世永世屬義興尋復

宋元嘉九年以平陵併入永世溧陽二縣俱屬丹楊尹

據宋書州郡志縣治蓋仍漢晉之舊尹仍東漢末郡治

南齊溧陽永世二縣俱屬丹陽郡據南齊書州郡志郡縣治仍

舊梁陳同

隋平陳廢永世縣開皇十二年復置屬宣城郡十八年

改溧陽為溧水縣屬丹陽郡據隋書地理志○案唐李吉甫元和郡縣志溧陽隋

屬蔣州又屬潤州 永世仍晉治溧水治疑卽故城東開

大業二年屬宣州 宣城郡治今甯國府丹陽郡治仍東漢末

化城據寰宇記 唐武德三年析溧水置溧陽縣屬揚州七年更名蔣州

八年復名揚州九年州廢溧陽屬宣州上元元年改屬

昇州二年州廢還屬宣州光啟三年復屬昇州據唐書地理志

及縣治在今城西北四十五里舊縣村天復三年徙今

治其揚州與蔣昇二州俱治今江甯府非今江北之揚

州也宣州治今甯國府自唐以後溧陽永與溧水分縣

其永世之地蓋盡併於溧陽

楊吳溧陽縣屬金陵府南唐溧陽縣屬江甯府案昇州改府見

五代史吳世家元史地理志 縣治同今府治卽今江甯府

# 溧陽縣志

## 卷一

輿地志

建置沿革

一三

宋初溧陽縣仍屬江甯府開寶八年府改昇州天禧二

年復舊建炎三年改爲建康府縣亦隨時轉屬參據宋史地理

志景定建康志 縣治同今州府治並卽今江甯府

元至元十四年改溧州十五年改溧陽府十六年改路

二十八年革路存縣元貞二年仍改州據至正金陵志 屬集慶

路縣州府路治卽今縣治集慶路治卽今江甯府

明洪武二年改溧陽州爲溧陽縣屬應天府據南畿志 縣治

同今府治卽今江甯府

國朝溧陽縣屬江甯府雍正八年改屬鎮江府署總督中

爲請分首府之屬縣改隸別郡等事江甯一府所轄

八縣守斯郡者卽才具優長已慮派深緹短查溧陽縣距府二百七十里由縣至上興埠水路七十里小河沙淺舟楫難行又陸路三十里山路一百四十里更屬崎

輻且非驛遞通衢公文上下押解解犯等事素稱不便一有緊急公務每至呼應不靈此溧陽縣之不宜隸於江甯府也又查鎮江一府只轄丹徒丹陽金壇三縣不若江甯入縣之多况溧陽至鎮江府城止二百三十里較江甯更近四十里且係內河一舟可達遞送公文押解糧犯深屬便宜請將溧陽縣改隸鎮江府云云

### 疆域

縣治東十八里至葑埭東南二十七里至余山並荆溪縣界南七十里至石屋山廣德州界西南七十五里至梅渚建平縣界西八十里至三塔墩溧水縣界西北八十里至瓦屋山句容縣界北五十里至界牌橋金壇縣界東北三十里至楊巷宜興縣界此鄰界距里也縣治東九十里至宜興縣治南一百五十里至廣德州治西南一百二十里至建平縣治西一百七十里至高淳縣

## 溧陽縣志 卷一

輿地志 疆域附星野 四

治西北一百三十里至溧水縣治北一百四十里至句容縣治東北一百一十里至金壇縣治此鄰治距里也又縣治北二百四十里至鎮江府東南三百四十里至蘇州省城西北二百七十里至江甯省城北二千五百七十五里達

### 京師

#### 附錄星野

江南爲禹貢揚州春秋吳越地其星野之說自星經史漢月令章句周禮鄭注之類或主星紀或主牛女或主熒惑或主北斗第六星雖非實測然固指江南全境而言從未聞以江南某邑屬某星次也吳穎閻史竟以溧

陽屬北斗第三星陳周瀨水備聞又以溧陽當北斗第一度今所不從而星野名目附諸疆域之下詳見疑辨

山水

凡定方隅悉以縣治為主若誤以四境中心定之則與此不合覽者詳焉

山

案建康金陵二志所載諸山高廣之數俱非實測今並闕之

起東南至正西分支北向為山之一宗其山首曰銅官

嶺

唐書地理志溧陽有銅建康志云今土中熒然有銅如楚狀然董董取之不足以償費是宋時已不甚產

此今則無之 在縣治東南八十里西有長界東為荆溪境

西十里曰鐵山

唐書地理志溧陽有鐵今亦無

在縣治東南六十五里

又西五里曰三鶴山一名僊山

山有潘真君廟實宇記云昔有潘氏兄弟三人

於此求仙化三白鶴而土人又或以三仙為葛朱潘里俗流傳說多傳會因係此山命名之故遂妄仍之餘悉仿此○陽泰亨三仙山記略○神仙之說自古而然不過好修之士植本葆真隨分養安全其天年而已而以

# 溧陽縣志

## 卷一

輿地志

山

五

為蛻化行虛周遊八極者夫誰見之即蛻化云乎未有不棄形遺骸同於恒人考何誇乎仙子飛行使人悵悵幻想而失各足之真耶且云仙家日月不常方經七日世已千年反不如塵埃度日更長於仙家萬萬也則何貴乎仙家也哉宋世朝貴向希夷先生求黃白飛昇之術欲作天上游希夷曉之曰欲往天上條作何事而曠職朝廷君民誰任罪譴頻加何仙之有說者謂希夷一睡月餘是昏昏長夜誰為惺惺乎殆皆妄也又考其壽紀不及百年何必神其說以累先生然則仙家皆妄乎曰有妄有妄即如金牛嶺三仙相傳為葛為朱為潘今安歸乎人言有墓有墓則與常鬼等矣又何仙之足云若余之言仙不然即所謂好修之士是也按深溪之勝山高水秀俗樸人勤曰夕從事孝弟力田踐土食毛蠶桑射獵牛羊成羣蔬果盈圃松竹交加家給人足不以一日養謬希三公肯雖僻處幽林而百貨通衢並作絕人逃世作辟穀枯禪所以閑閑泄泄壽考歷年過之者咸曰仙府飲之者咸曰天泉所謂蓬萊瑤島甯或過之凡我居人無忘此樂願言其之故著真仙說以記勝玉吹王生朝夕敦學忽經四年今冬言別無以相囑仍拈好修二字以課實學毋得虛談術業同神仙影響以志吾期望

在縣治南七十里

諄諄之意

又南五里曰金牛嶺

舊縣志云古老相承有僧承有僧承金牛至此牛入洞不出僧立化爲石遇

夜陰雨則有天燈見

在縣治南七十五里四面皆山中亘一嶺長

十五里許南爲廣德界

又西五里曰松嶺在縣治南七十五里

又西五里曰梅嶺在縣治南七十五里

又西三里曰青峯在縣治南七十五里

舊縣志云上有雲岫菴幽闌絕

塵明太祖駐蹕題詩詩云青山頂上一茅屋僧舍半間雲半間夜半雲去作雷雨回頭不似老僧閑康熙徐一

經縣志謂此歸宗菴主之偈曾於匡山寺見之前後竄易數字爲傳會無疑○姚勳詩○十年慕幽壑今始入

青山桂滿仙人窟蒼生棋子斑泉聲鳴石洞風籟發松關寺僻誰題詠雲封自在還日長遊思永林靜客心閑

遙指歸來處千峯杳靄間 附近有伏峿

由青峯迤邐向北爲山之一支計北十里曰松山

舊縣志云

# 溧陽縣志

## 卷一

### 輿地志 山

李白改題曰五松山不知五松在南陵非此也詳見疑辨

在縣治南六十里

又西北五里曰搏虎峿在縣治南六十里

又東北十里曰金山嶺在縣治南五十里

又西北五里曰寨山在縣治南五十里

舊縣志云山頂平曠相傳宋末

義民結寨其上與新野千戶陳翼抗戰

又東北十里曰神山在縣治南四十里

由青峯而西北折向城爲山之又一支計西二十里曰

重九嶺在縣治西南六十里南爲建平境

又西北七里曰伍牙山一名護牙

輿地廣記云子胥伐楚還吳經此山故名

然莫曉牙字之義建康志引俗說子胥美齒牙避楚至此恐爲人所識以石擊毀其牙山神護之不毀徐志則

云以子胥建牙得名不取護牙之說要之同一鑿空元史阿剌罕傳作護牙山 在縣治西南六

十里

又東北二十里曰鷓鴣嶺在縣治西南三十五里

又北三里曰桂林山在縣治西南三十里

宋汪藻絕秀堂記云南則

翠陰晴嵐與人應接者桂林諸山也即指此

山後有大磐石二一曰太古元

貞一曰留雲

又東北十里曰呂長山

金陵志云下有呂將軍廟

在縣治西南二十

里

又北五里曰吳冶嶺在縣治西南十九里其頂有石曰

龍窠

由吳冶嶺向城又分二支其一支嶺東北十里曰燕山

在縣治西南八里

吳環過燕山山下望山遠誰知山幾重出雲羣石色過雨半林容溪渡

# 溧陽縣志

## 卷一

輿地志

山

七

思尋杖巖栖悟聽鐘荒荒樵徑自高士寄孤踪

山南有駙馬界

又東南五里曰屏風山一名平分山其別峯曰金雞在

縣治南十里

仇遠九日諸友屏峯上方登高○天借重陽一日晴因過竹院遠尋僧翠屏晚對無

人共畫棟朝飛與客登旋摘菊花浮臘醞待分貝葉讀秋燈餘生有暇須行樂漫向松岡嘆廢陵○元淮訪屏

風山○獨出南關訪翠微樓佛閣霏霏草根縛筆題牆了更與山僧伴話歸○史京過屏風山懷狄春溪

○佳人曾此托幽棲度竹穿花路不迷夾道陰交深駐馬上方雲合遠聞鷓新詩欲和猶存壁野水初生半沒

蹤認取當年遊息地手栽松栢與簷齊○狄敬宿屏風山○山樹陰森夜色寒琉璃靜對一蒲團境空大地三

千界路隔塵區十八盤如喜客來猿擲菓欲聽經語鳥棲闌風流誰似陶彭澤蓮社常將醉眼看○黃詢遊屏

風山○遠山如見招出郭攜良友疊步過溪橋碧樹村村柳山色忽平分雙屏開左右雜坐芳草茵領略風光

久清談半帶禪千佛在我口耳目得曠如天地皆吾有○任蘭枝過屏山懷馬甸臣○雙峯屏列帶斜陽一徑

松風夾欄長路近竹林雖見寺雲寒石塔儼飛霜飯依有客供僧飯私淑何人問講堂杖履當年定何處綠垂



書帶草  
痕香

其一 支嶺西北五里曰石門山在縣治西南十五里

俸石門山○春雲醉日不成霞沙上刺桐三兩花白馬  
錦韞霄漢客綠陰茅屋野人家浮生有酒且同醉公事  
勞人何用嗟頗覺二三農了征稅藝麻蔣麥足生涯久欽  
江總詞章好更喜倪寬經術存落日大堤曾並轡春風  
別墅共開尊郡齋白晝時分席野寺黃昏未  
掩門自愧簿書無暇日憑君喚起舊詩魂

又東北五里曰大石山頂有怪石刻龍洞二字旁刻  
涪祐戊申古汴趙盱夫書其

麓有白龍池雖旱不涸龍祠在焉蔣時中龍洞○大石  
山頭兀磬石下有靈

物阻深宅珠宮弄月耀泉光墨池飛雲沛甘澤瘦藤例  
擻古洞前僊壇秋靜明翠煙籠兮冬臥春乃起素鱗聞  
雷飛上天○彈鏡大石山道室○權學踟躕坐微聞妙  
道香石厨燒榭嫩山榭送檣榔人老花新舊杯遲話短  
長枯禪如佛相冷眼笑人忙○彭九齡大石山○藤蘿  
更欲攀攜杖入西山古洞龍常蟄寒林鳥獨還秋光黃  
菊瘦夜雨紫苔斑踏月歸來晚微風吹酒顏○陳名夏  
遊大石山宋其武邀觀雜劇答謝○我去重遊大石山

# 溧陽縣志

## 卷一

輿地志 山 八

君來為過川僧關霜銷落葉鳴鷄早鐘擊空林飯鳥閒  
用野歌喉齊白雪衣冠抵掌變朱顏懷人蓋已同武子  
千里猶然  
乘興  
在縣治西十四里

又東北三里曰仙人山在縣治西十里旁有七里岡

又東北三里曰菱山俗名小山一名巧石浜廣韻恆安  
始溝也今

此地泊船處距  
山麓數十步  
其麓有石林俯瞰龍湫相傳雩禱多應

在縣治西五里趙稟菱山地名○咸淳二年九月四日  
長沙趙稟偕弟晉領客淮安劉弓壽春

係吳會雲安袁道鳴胸山邱口巖舟洗壁間季父舊題  
九年矣酒數行野人以江鮮獻乘興遂涉山椒而眺焉  
相與亨鮮醴酌拊膺懷古包羅宇宙而入神心境融會  
賓主酣暢殆忘南轅北旆之交馳也○馬一龍菱山題  
壁○山水奇秀皆靈氣口口但顯晦隨時與人口口自  
李自至今千載汨沒塵土大明時復為菱山主人得之  
草莽間一時傳賞信乎天地中凡物有遇耳○案趙題

至 國朝康熙丁未知縣徐一經募得長沙趙稟四字  
而馬題自彼時亦已缺字矣又李白集並無菱山詩馬  
以白嘗遊溧故沈言此耶○仇遠菱山龍寺禱雨詩○

曉入荒溪陟斷岡多年廟食白龍王要添溪上半篙水  
不遠山中一瓣香灌木雲昏旌旆出高田七湯枯槔忙  
莫疑栖隱無深洞且得隨車雨送涼○彭謙重游菱山  
○二二徑初成謝草萊羣崖如舊向江開鸞花白發存常  
在山鳥無聲雨欲來此日樓臺遮綠樹當年題咏盡蒼  
苔得逢佳節須行樂莫待蕭蕭雨鬢催○馬一龍遊菱  
山○青山十里盡樓臺萬竹山房雙徑開春日看花紅  
草萊野老未曾通姓氏相逢謂我謫僊才○彭若星春  
日菱山酬史仁里○亭背山陰松竹隈巖扉窈窕薜蘿  
開湘簾語燕時俱下江樹流鶯春又來斷壑飛梁全學  
棧殘文蝕蘚半成碑多君重話當年事淚染東風變草  
萊○陳宏春日同史學師陳少尉泛舟小山卽事○滿  
野春光翠欲流曉風吹散十年愁共尋泉石移煙艇卻  
擲身盧當酒籌座有康成經可質侶同貞曜壘堪酬憑  
高眺望思千里爲問奚囊得句不○彭若果九月十五  
日重遊菱山○江皋松竹蔭平臺結伴重登暮景開林  
外夕陽隨鳥盡座中山色向人來數行殘得餘苔蘚三  
徑秋聲變草萊令促羽觴溪月自狂歌欲賦愧非才○  
彭補源菱山別墅○鐵馬驚風驟短檐西窗斜月一鉤  
織雲生石砌閒侵履鳥避虞羅誤入簾野服可裁繡有  
荔湖葦堪煮豉無隴年來歷盡風塵苦到此應將名姓

# 溧陽縣志

## 卷一

輿地志

山

九

潛○吳穎巧石浜感賦○春風無復舊亭臺祇有春花  
幾樹開偶向樵夫問路去始知老子入山來石邊磨字  
籠蒼荔溪上題詩掃綠苔太白遊蹤原未到空令千載  
想雄才○陳掖臣小山○小山山影入漁汀天劃神護  
石骨靈濃淡水雲平嶺截浮沈烟鳥傍船停濤迴楚國  
三江白秀頌吳天半壁青記得小時飛步上磨崖讀徧  
古人銘○秋世泰巧石浜○造物如有意呈奇此一邱  
負隅驚踞虎縱壑訝潛虬苔古題難覓荷新香欲流故  
人攜手別相約桂花秋○任端書巧石浜○宛轉青瓊  
孫峻峻琢山骨心與澄潭空興值秋風發謫仙招不歸  
徒抱雲  
間月

以上起東南至正西諸山首尾據採訪所及略爲  
敘次者也

外有以上諸方錯出之山其在縣治東南者計距六十  
五里曰侯堂山又旁近有橫山是多奇石

距六十里曰結都山

舊縣志云嘗產石煤案後漢書郡  
國志豫章建城注引豫章記縣有

葛鄉石炭二頃可然以爨卽此石煤矣方以智通雅謂山陝別有石炭一種永樂抽分書分煤與石炭爲二頃所未詳也又案本草綱目以石炭煤炭爲一而云南北諸山產處亦多然今江南用之大率取資湖廣徵獨溧陽結都久不產此也

距五十里曰新婦山

距三十五里曰雲泉山山上有泉雲一名下山又名蔣

山

距三十里曰甸山山形如

又有陽山圖山舊志並無距里

在縣治南者計距七十五里曰塿山案字書無塿字訪諸其鄉亦無知此

山者瀨水備聞南境有塿山塿與塿塿聲近疑塿山亦名塿山或塿山而又形譌作塿耳

距七十里曰石屋山建康志云山西有鑄劍坑因引舊志吳王使甌冶子鑄劍於此○鍾

# 溧陽縣志 卷一

輿地志 山 十

鼎石屋幽棲○柴扉無客晝長關石壁藤蘿手自攀鷄犬不聞啼鳥歇一泓寒水自潺湲探得丹砂種石田青

山屋下卽盡天一聲老鶴叫雲外知是煮茶生白烟○

魂蟠微石屋古冶○空山留古雲鬱鬱龍文光誰合甌

治子成此百鍊剛爪髮投洪鑪紫霧攢飛芒結爲雙芙蓉秋水涵清霜不得君子佩風塵寄自藏○馬宥前題

○野望多奇峯峯形平似屋屋角雙青插遠空屋中冷

燄何潛伏憶昔闔閭眞英豪偶來望氣一凭高石骨嶙峩勢欲裂光芒萬丈不敢韜咄咄大呼甌治子齊金楚

鐵快興美幾年鍛鍊幾年成壯心豈惜截髮指發矧罔

兩爭遁形炎煙赫赫聲錚錚銜英銘玉躍秋水蓮花時

傍雪花明盤鏡灘頭忽飛去蛟龍變化雲雷驚嗚呼干

將鑊鄒執彷彿雌雄未許拘神物闔閭已逝劍亦往青

山不改當年色狂歌醉佩倚長天蕙鋒且自安吾拙○  
沈滄石屋山○金精已飛去空餘石屋山雲煙滿目中  
霸氣寂以闕寒林交悲風狐兔相注還想見古烈士慷  
慨臨吳關吳關轉茫茫迴顧升長巒屹立亘千載形勢  
頽改觀高岑宿南斗幽壑棲雙丸嗟峨蘊靈異誰能其  
追攀我思鬱以紆陟巘興長嘆神物合變化隱約光芒寒

距六十五里曰天井山四壁陡立中空如井故名

距六十四里曰姚界

距六十三里曰李俸界

距六十一里曰長岡嶺曰年荒嶺曰梅嶺界

距六十里曰金陵山曰落馬嶺曰碧嶺曰缸垚嶺

距五十五里曰鯉魚嶺

距五十四里曰伏虎山

距五十二里曰羊曇山

距五十里曰銀方山曰氲里山曰鎖山曰蒜山曰懸鼓

山建康志云遠望皆垂鼓故名曰崔界

距四十五里曰錫華山一名小華山

距四十里曰丁山嶺曰田瓜山

# 溧陽縣志

## 卷一

輿地志 山

十一

距三十里曰上胡嶺曰後陳山

距二十五里曰嶠山建康志云嶠字土人音溝字書未見曰高要山

距二十里曰泉山

距十七里曰篤山

距十五里曰庭子山曰甌榦山

距十里曰丁家山曰辰山曰城子山

又有楊界近戴步龍山界在得隨鄉舊志俱無距里大

潮山雞籠山在得隨區來冊俱無距里

在縣治西南者計距七十里曰折牙山曰鐵冶山一名

鐵峴山建康志引山謙之丹陽記云永世縣南鐵峴山出鐵今揚州鼓鑄之又引輿地志云前代鑄錢

處案廣韻峴峻嶺安吉縣有銅峴山大抵鄣屬此一帶多產銅鐵今並無之

距六十里曰高官嶺曰獨山一名金峯曰七廟岡曰千墩岡

距五十五里曰石畝嶺曰仙人嶺曰白沙嶺曰下浮岡

距五十里曰塔山曰虎山曰仙山舊縣志云下有井泉可以愈癘曰三

王山一名三首山建康志引舊志云相傳楚王與冒間尺作一客三首葬此因名誕妄不足

辨也曰富山曰梅山舊縣志云相傳梁昭明太子遊此曰遊子山

距四十五里曰高貴山曰泉水山曰板山曰石山曰走

馬岡曰義城山舊縣志云下有墟落云是宋末居民結寨拒元之蹟近村多以義名者皆其類也

距四十里曰龍潭山南溪之水出焉建康志云上有龍潭潭側龍王祠禱

之有應○陳林若龍潭山居○我欲買山隱山空雲路長耕耘隨短菊風雨滌修篁豹變生元霧蟬清叫夕陽披襟泉石外應是夢巖廊茅屋雲深處依山入望斜添厨飛瀑水護壁引籬花世事真無策吾生信有涯漁樵

# 溧陽縣志

## 卷一

輿地志 山

三

聆一諾燈曰從山曰子山曰谷山舊縣志云山北有渡水從滄溪由黃山東

入中江舊傳子胥奔吳由伍牙山經此渡江滄溪之南有藤墩大水不沒遂為稱浮墩矣曰荆山山

南有東西二柱峯東峯曰紫雲巖西峯之西是為神墩

舊縣志云山有靈氣出雲必降霖雨遠近觀望以為占候又有東西二泉賜暎不竭灌溉資之闕史云山上有紫雲菴又數石分列曰獅子石曰龕石曰盤石山西有神墩高丈餘廣六畝澗水滌洞林木蔥蒨亦勝地矣舊縣志荆山又有烽墩頂高二丈相傳吳楚守望處有播羅墩在荆山之南田坂或云響墩其東有桃

紅界北有廟山界曰盤白山據舊志山以晉李盤白真人得名一名高

邃山山有高邃洞幽深叵測宋置太虛觀故又名觀山

第一峯石上窪處俗稱仙人蹟或謂之仁虎峯舊縣志云李真

人飼養一虎不血食○錢自勉登盤白山○孤峯高潔出塵埃試拂存衣坐石苔眺遠思隨護鳥度應時心逐百花開野芳散地難將去樹色臨湖欲過來怪得山中多伴侶鹿羣呼趁不相猜○任啟運重九遊梅山蔡臺

登盤白絕頂賦略○騁余馬於梅山兮問九江之子眞  
嗟漢季之陽阨兮維不弔之與羣謂鳴鴉爲鳳兮指豺  
虎以爲麀惟夫子其隱憂兮假輅傳而專轍進黼繡於  
瞽矇兮豈充耳之得與於韶鈞歛德輝而去之乃托迹  
乎此都也幼仙牀於石山兮維夫子之故也余遭清  
時之流行兮與夫子而異道回予馬而容與兮撰余轡  
以他道探周道之黃鞠兮踞巖崖之丹楓友朋指予以  
書臺兮曰維有漢之蔡邕嗟爾才之洵美兮常識夫爨  
下之焦桐豈我躬之不閱兮羌維蘭蕙于蒿蓬何三府  
之敷歷兮迺忽改乎此度也涕國狼而自殞兮匪吾儒  
之步也望高山而仰止兮曰盤白之嵒藹訪黃冠之幽  
居兮謁元帝之崇宮縱予馬於山椒兮躡謝展而相從  
足支頤而膝屈兮手捫蘿而攀松維眾客之不予從兮  
余蹙躋而益上雲總總其在在下兮風飄颻而益爽壁巖  
崑之殷振兮懷崑嶠而湖宗橫護嶽而爲枕兮浴沈湖  
於雲中飛鳳山於東良兮躍出震之九龍俯石潭之深  
隱兮呼眠驪而與語謂彼秦岱之膚寸兮曾不崇朝而  
水夫下土余將與爾載靈鼓之淵淵兮駕雲旂而與與  
豐隆爲予而前導兮列快告予以未具余將驂騏驎與  
紫彪兮招白鶴而俱乘西折月蠟之細柳兮東撥若木  
之墮翎騰丹鳥于南鄰兮博羊角於北溟庶下方之我  
聞兮白鶴又告予以不能敦僕夫使前驅兮迺歷涉于

# 溧陽縣志

## 卷一

輿地志

山

三

穹窿望帝閣其未遠兮於呼吸之可通左句望與蓐收  
兮右元冥及祝融開閭闔而延余兮余將入揖夫九重  
歷奎府而交文兮指壁水吾以降豈人天之際隔兮召  
靈氣以占之靈氣捐筮而釋繩兮云蠖蟄之有時落龍  
山之接翠兮何所賢而千古覽戲馬臺其寂寥兮豈宋  
皇之不武苟昭質之無虧兮曾何慮乎行藏余修能其  
何極兮懼羲和之不我長迺抑志而彈節兮且返吾之  
初服迺予馬以復路兮違下民之逐逐余旣紉秋蘭與  
春蕙兮何必茱萸之爲佩也荃信美而可慕兮庶霸修  
之吾逮也亂曰升彼萋嶺必自卑兮攀兮躋兮終崖嵬  
兮眾山崩嶺猶可爲兮東兮泰兮渺不可追  
其東北有

趙界又有岡曰夷廟曰石陵有嶺曰金冶

距三十八里曰草鞵嶺

距三十七里曰鷺鷥嶺

距三十里曰丁山

距三十五里曰鳳山

距二十二里曰黃泥岡

距二十里曰朝山曰茅尖山曰頭陀嶺曰駟馬嶺

距十八里曰茶曹山

在縣治正西者計距五十里曰浪畧山

距四十餘里曰黃山建康志引舊志黃鶴僊人於此得道因名今有觀案今此觀久廢

距四十里曰張家山曰父山曰安山

距三十五里曰平陵山其西有晉平陵廢縣元和郡縣志云晉成

帝時李閎圍韓晃於此山斬之建康志表謂李閎追及張健等於此正一事也晉書蘇峻傳則謂閎斬晃於巖山距平陵山亦祇二十餘里未為互異而舊縣志稱閎斬蘇邈於此駁元和志誤案峻傳晃等敗奔曲阿逸為李湯所執斬于車騎府不言逸奔溧陽成帝紀則云逸以萬餘人自延陵將入吳興王允之戰於溧陽獲之與峻傳不合然亦不言斬逸於平陵山也

# 溧陽縣志

## 卷一

輿地志

山

十四

距三十餘里曰前山

舊縣志云山頂有墩俗傳為蔡邕父墳此等傳會不足辨也下即所

稱蔡邕讀書臺曰鳳皇山曰蜒游山曰蜈蚣山俱以形得名

距三十里曰九龍山

彭若龍九龍山○九龍山中風日清九龍山前湖水明下移青松四

時色長伴白雲千古情優游歲月老將至坐歎林泉意未成安石何曾果忘世恐將虛望繫蒼生○馬羅元前題○山中陰陰時欲雨黑雲狂飛風正怒松濤一湧千萬重奔泉衝奪遊人路重岡四合如層城峯峯相接還相顧岑寂僧寮無俗塵蔽門翠竹不知數山僧日日聞虎嘯荷耨晚出了無懼客來悚慄不少留亦復徘徊戀烟樹  
前有新婦嶺後有王母峿又旁近有王佐山金魚山

距二十五里曰烏山

距二十里曰龜山

距十五里曰漁父山

距十二里曰投龍山

距十里曰雞籠山曰姥山曰巖山 晉書蘇峻傳李暅斬韓晃於巖山卽此

距七里曰金雞山曰秀山

距五六里曰冠山曰小石山北麓有奇峯石壁

以上起東南至正西諸山首尾未經採訪敘次者

也 今案從山區又有密山汪濟山大照山萬週山湯頂山未詳方隅距里故附於此

起正西至正北爲山之又一宗其山首曰芝山 建康志引舊志

云山中嘗出芝草因以爲名 舊名小茅山在縣治西八十一里是多

洞天 山有梅仙洞相傳梅福曾隱此有李子洞沸泉出焉有燕洞產石如燕俗傳兩則羣飛晴則仍化爲

石有仙人洞中一石類棊枰有天井洞石竅通天如井有黃龍洞乳水下滴諸洞大者至容千人四山奇石

立梅仙洞前觀音石尤爲瑰異山下有泉曾潭之奇雖旱不枯也○馬世俊芝山○野路荒荒棘滿衣亂雲點

點貼巖飛咒開石壁成靈鳥望入金陵接紫微天半鼓鳴知客到地中歌發悟樵歸祥符封事芝千萬何似深

# 溧陽縣志 卷一

輿地志 山 五

山草自肥○王曰曾前題○芝山本神奇閭然若隱士昔聞梅仙居千秋誰繼起我來涉其巔縹緲雲峯裏懸

崖隱嵌竇旁搜極眾美翹首赤松遊緬懷黃石履豈無齋房姿靈根茁榛杞如何付樵牧埋沒向下紀應結團

焦茅還蠟雙屐藟山靈惡穿鑿幽人樂徒倚允無車馬喧惟見見烟霞紫○又前題○鼓柝方窺春水攀蘿直達

雲巒空山三十六洞行來極盡奇觀雲外飄來羽客休端高倚詩狂不問孫登鸞嘯却識張公劍壁○任端書

芝山怪石○巖洞三十六鬼斧勞雕鐫鯨鼈立巖鼈中有玲瓏天常恐忽飛去驚起壺中仙

北五里曰方山在縣治西八十里山有白石峯象鼻峯

白右洞青龍洞石馬澗桃花峿 王曰曾晚過青龍洞○一路探奇落日催空林

歸鳥尚徘徊纔從芝嶺雲中下還向龍潭洞口來○又方山○竹色寒分青嶂松濤響擁白雲峯頂雨飛龍噴

巖間夜語天開坐對擲山巨石驚聽咒嶺奔泉雲裏數層丹壁溪外孤村白煙○彭會淇方山○環山屈曲綠

溪斜石戶雲封小隱家蒲葦一翁舟作屋楓林幾樹葉爲花香來野菊開荒徑喧定寒鳧宿淺沙半畝欲從君

卜宅釣煙樵雪足生涯○任端書方山石馬○寺與塵世隔但聞鐘磬聲杳杳洞門古澄澄泉竇清白石間自



臥倚佳  
秋風明

又北五里曰曹山一名曹姥山

建康志引舊志云昔有曹姥獨居此山死於石

室葬山下後人為置聖姥祠祈禱多應

在縣治西北八十里瀨水出焉

又西北十里曰分界山在縣治西北八十里西為溧水境

又東北三十里曰瓦屋山

建康志云山形連亘兩崖稍隆起宛如屋狀

在縣

治西北八十里北為句容境其前鹿步山上有仙人石

浴池大旱不竭西為溧水境

又東十五里曰了髻山

西一峰東與仙几山連秀聳若雙髻

又名了頭山

了僊山了山

據建康志

一名恰幘山

據句容縣志

在縣治北八十

里北為句容境

馬一龍登髻山絕頂記畧○是仁屹石望東南諸山盡如在大洋中湧出青螺

# 溧陽縣志

## 卷一

輿地志 山

十六

數點近山村落紅白花見綠樹妙斬遠漸隱洩水萬頃日光下閃閃動鱗甲遙擬金陵當在赤山之右句曲橫亘後屏測之其峯若差高樵人謂可見鍾山宮闕大報恩寺浮屠金頂則予未之能辨也又謂南峯巨石雨過輒放光如白虹屬天子蹤巨石亦惟頑塊歲久雨水洗刷明淨雨乍霽日色映射他處尚有雲障故見此石獨明而謂之光也豈真石蘊元琮上通天氣者乎後人不審將疑巨寶掘土鑿石以為茲山之災○魏麟徵前題○幾年車馬去江關登眺偏思故里山豈是巨靈過一掌宛如神女列雙鬢松篁不礙遙空色苔蘚長留怪石斑欲向高峰最高頂更添茅屋白雲間

又東北十里曰青龍山山半有青龍洞故一名洞山口

洞

僅可容人其中平廣奇石萬狀稍深有門曰隔几峻險而隘陰風迅急遊子憚不敢進俗傳與金壇句容諸洞相通洞口一大石塞處四五狀如足跡亦呼為仙人洞也其前立石如林流泉滴瀝旁有峴曰牧門案真誥大茅山西南四平山俗呼方山下有方臺洞陶宏景注云此山西南六七里有洞口外見近有人入見大青蛇偃伏其中因呼為青龍洞云○馬一龍青龍洞記○吾居玉册山慕神仙沖舉之事屏跡絕塵嘉靖壬戌孟冬九

日招駱駿二弟姪震良同呂秀峯門人潘子漸探奇討  
勝自山房盤旋四平厯寶珠後峰石佛巖方臺玉虛亭  
下上白石古菴午憩青龍洞極其元深務悉奇巧石開  
天竅東絕晨光怪狀殊形珠璧聯粲斷處復續合而還  
分削玉荆扉採華丹碣雖僅般鼓習斤斧憚施而大冶  
鴻鈞固天趣口口者也愈入幽幼景象愈莫能辨徑竇  
傍通迴虛中闕懸厓下段若墜峻礪上轟難躋其梁跨  
者戶掩者級磴者蹲礎者牀可偃息者欄可倚凭者爐  
不火而丹若黍者碁可壘而砥若枰者黑衣龜龜黃流  
犇噴或綯割口口口管蕪井幕鸞翔鳳翥星炭斗竅虎踞  
龍驤烟銷霧縠嶺嶂雲扶留溜玉又其深坎不測投  
石激水應聲燎薪而下之逾久明滅上有千丈高兩壁  
削立下必有千丈窪九淵津潤耳吾嘗廿年前宿於洞  
中令工鐫奇石龍洞會仙館七字文又偶與一小絕今  
所存獨會仙館文刻徑沒想石脂生長混其迹矣洞中  
石紋似龍鱗而其勢蜿蜒虬蟠委蛇宛轉皆龍形此得  
名所由誌謂有巨蛇居其中因以名之常是附會其說  
○湯顯祖洞山○瓦屋如雲春作花華陽絳氣屬青蛇  
中開百尺僊人掌搖漾金光落紫霞○陳鉞青龍山○  
蓬萊山下蔚藍天細草春幽小洞偃明月半林窺鶴舞  
閒雲一片護龍眠霑衣香濕碧桃露碎玉聲飛石磻泉  
此地不知誰是主烟霞長日伴神仙○狄斯彬前題○

# 溧陽縣志

## 卷一

輿地志 山

七

岡巒不盡商巖館曉霽相期逐馬來沙苑已看飛鴈落  
鶴林重見杜鵑開遠帆先送隙玉閣舊事猶聞戲馬臺  
○陶令高情獨不減深秋肯負菊花杯○馬世俊青龍洞  
○駢峯巖起枕荒塗稜稜石齒相撐扶老樹交糺少根  
株耕山得徑問樵蘇躡履攀微慎躊躇壁上黑影龍蛇  
趨何年霹靂破其郭雷峯空存洗雲膚黝然引我入闔  
閭朝走鹿麋夕躡鵝暗窺崢嶸魄拘門臨坎窞惡喪  
軀突似虎頂憑高剛坳如魚腦尖水枯古劍饑久待人  
屠怪形據峙各睚盱頭上濤聲走江湖屏寒照火自成  
圖岸絕四面路通壺鬼兵僊宰陰叫呼傍壑飛來燕子  
雛依稀可撲仍急速玉溜鏘戛響繁符前挺戈戟後笙  
竽枰棋唯鏤奪般輪下置牀日與竈爐半隙斜穿達天  
樞絲斷不斷猜神蛛窮搜險索足力劬二三快意千憂  
虞倏忽呀嚙達九衢百客坐對酌醴醕松炬欲冷速認  
途恍惚可辨復模糊出門飄飄冥氣俱望中煙霞窮態  
殊遠畏倍峰疑覆蓋洩光混漾正練鋪蓬萊靈鷲果有  
無奇數衡華秀荆巫千年此山埋榛蕪買之不用幾員  
跌便欲移去計空愚坐譏拾粟當瓊珠驅車呼僕過搶  
榆行矚西墜啼亂鳥○任端書青龍洞壑○蒼蒼鎖崖  
扉確磴爭扃擁寥寥出斤斧造物遺搏弄何當鞭乖龍  
遠人華 在縣治北八十里  
陽洞

又東南十五里曰黃金山

建康志云雨後土色如金

在縣治北七十

里旁有黃鳥山又其南曰玉華山在縣治北六十里

馬

龍玉華山小洞天記○洞天在玉華山之東偏吾用神  
僮智力借鈞陶以奪天工者也山之七阜隆起南北對  
峙簣覆兩翼塞其外通北面穿竅而南深數十尺廣或  
徑丈隘處稍欲縛則更拓縱者取兼道可行而已兩門  
出人有所妨不得展發廉亦六七尺儘容昂首直躬道  
遙杖屨也縱之有衝者擬作堂奧突起中高過丈餘又  
半頂開日月矚下注小明以甕據其頂塗煨石助虛明  
之光傍有別穿曲折斷續紆偃幽窅行者良趾尋道而  
善入鮮不點額支頤息喘喘不甯定既出乃見天宇似  
另一世界與塵凡隔非復誼囂之境矣地甚不廣倚洞  
爲軒楹諸物充扱食飲起居自成一家村軒前鑿半月  
池種青蒲畜赤鯽名卉佳果雜植池上曲檻石鼓并陶  
埴之類處置檻內可坐可凭酒醉而倦惟研拋書投琴  
散局席地裊草屐足一鼯鼻殊快意土階上下壘藟蓊  
太湖石奇峰捲雲懸岩滴雨後澗之木解語之花上絲  
下苓晝開夜合聞鶯啼燕語之聲歎息韶光去以肯歇  
見月落參橫之景夢寐翠羽下而喇嘈是非厭棄金谷  
而思嬾羅浮者乎洞天盈虛中盡隙曼外極片包玉幹

# 溧陽縣志

## 卷一

輿地志

山

六

虬枝蔭如蒼煙翠黛四時常不改也大夏盛暑居洞中  
須衣重帛若隆冬嚴寒則又不待燃溫自盎然陽和暢  
於四體老人欲避世態炎涼而不知處此終莫逃流膏  
剝膚之患○馬一龍九日與南村諸老登玉華山○九  
月九日九老會野蔬野飯野人家遠來何處白衣酒同  
醉此時黃菊花歲到雪霜見松柏春如桃李自繁華可  
憐頭上烏紗帽不比風流晉孟嘉○前人於玉華山築  
八角亭○尋得蟠龍堰上湖天留此地與任夫山圍四  
面如城郭水遶孤亭在畫圖去翦春羅花自發欲酷  
美酒鳥先呼祇緣野老閒來往檢帶紅塵到碧巖

又東南十八里河東有獨秀山俗名土山在縣治北三

十五里

黃詢獨秀山○錢山兵火後此際復何求聊借黃庭集可當赤壁遊曠雲依片石觀水上層樓

更起扁舟與相期赴大滄○呂紹謙前題○一邨一壑  
任高低山徑紆迴路轉迷卽是武陵溪上客何須更覓  
武陵溪○吳桂前題○春花春草滿山徑與客尋幽乘  
石磴一拳孤絕秀無雙翠壓明湖氣欲降山中不覺春  
日永歸時恰趁斜陽影

以上起正西至正北諸山據採訪所及略爲敘次

首尾者也

外有以上諸方錯出之山其在縣治正西者計距八十里曰伏脊嶺

距七十里曰白茅山曰西巖山有石如舫字曰船石在縣治西北者計距七十里曰翼山

距四十五里曰花山曰橫山

距四十餘里曰子母山

陳周記○谷以愚稱泉以慧著榮辱之名人贈之而實山川融

結之氣有以徵兆之吾邑南有秦山俗稱秦王徑繇處也西峙任牙行人廟在焉遞北而石屋闔閭使殿治子鑄劍所宛延數里子母山近之所以名子母者圖籍勿彰口碑未及山麓韋村有蔣以蘭偕婦葛媪引泉墮竹耕鑿其中乙酉之變家曉江及婦彭奉翁都諫避亂其地與蔣葛夫婦未嘗通聲問接殷勤也曉江侍都諫匿山崖徐抵句曲彭同侍婢潛入蔣園蔣初未之知也上賊猝至彭投水中葛媪出之抱而大哭曰此皆親戚決

# 溧陽縣志

## 卷一

輿地志

山

五

不相侮吾兒何事如此賊媪罵刀挾媪頸欲攜彭入舟中媪曰此吾子也彭曰此吾母也子母生死同之相抱復大哭賊信為里人方解去嗟乎彭之激烈嫻於詩禮自矢宜然以素昧平生之媪一見痛切急智脫人於險有古俠烈風意與授漿女子均胥山瀨水之力所鍾統而有此者乎嗣後各以子母禮安之里中間且見者噴噴曰其子也潔其母也賢節義如此山光藹然無媿子母之名焉附山居者有僉事謝君令子石攻子母眷屬數十口積薪自焚巍樓上又得其死之正者噫嘻吾溧物產所出幽迤所棲南山為勝至節義所鍾北之秀異自又與南爭賢也尤所異者今古多奇女子形家云了鬢雙峰聳翠地靈使然然則子母雖培樓且與摩笄並峙天壤矣余聞之喜故報之以文

以上起正西至西北諸山首尾未經採訪敘次者

也

舊縣志縣北又有長岡及斗門繆墓梅嶺廟塔浮石孟母白茅諸岡並無所在區村及其距里

起東北盡東北為山之又一宗其山首曰涪山

據唐史嶽山陰

侯碑建康志 一名湖山一名大岬山

唐書地理志溧陽有湖山建康志謂

卽大 一名大巫山 一名浮山 據建康志 孤立洮湖中在縣治

東北四十五里與金壇宜興分界 案建康志引周處風土記云洮湖中有大

坏山又引陶隱居尋山志云石孤聳以獨絕岸垂天而

似浮蓋取以證浮山之義也又謂坏坏二字土人皆音

浮字書未見此則非是玉蓋坏善梅切又作坏引爾雅

山一成坏是坏坏字同也坏符悲切山再成是坏坏字

亦作坏而亦或者作坏字也土人音浮古韻正合符悲

切而此山一卷圓起絕無別峯正所謂一成之坏矣○

馬一龍九日泛湖登涪山與邑侯饒別○南山來青嶂

北山破元堂牽舟蕩湖水對此明月光採菊未盈把清

露沾衣裳莫翦徑上草王孫恐悲傷西風入原蕪忽覺

絳葛涼元禽已抱羽鳴鴻在高蒼顧茲雙景遷世事何

茫茫知幾水與月情景各相忘今夕是何夕飛雲共倚

祥攜手上山去山人開竹房猿鶴有清標翛然傍南窗

我懷若不知願君持我觴濁酒匪自足聊以充渴腸人

生貴知己聚散良不常知君明日裏又自在何方○繆

樗大浮山○湖心湧出大浮峯一朶青蓮落鏡中老樹

夾雲秋唳鶴縣崖墮石夜驚龍波濤接天邊盡日月

潛行地底空心想禪關阻登眺隔川遙聽又陽鐘○强

銳登浮山○酒船柔櫓過山遲煙水寒深醉不知閣外

# 溧陽縣志

## 卷一

### 輿地志 山

鐘聲將及暮竹邊僧話不多時故人題壁塵猶在破屋

棲禪世可悲到此莫教興感慨湖中風景畫中詩○魏

斷微大坏山○山水鍾情早乞休一尊盡醉此山頭湖

平兩岸秋光寂鳥度孤城暮靄收萬里寒江歸病客數

枝衰柳贈行舟伯陽自有長生藥不為尋芝更欲留○

馬宥泛舟涪山○漁歌唱罷梵音連翻訝峯頭得路便

入戶不知山在水開籬遙望浪兼天征鴻點點雲中渡

小艇飄飄鏡裏旋西指湖菴如彼岸乘風狎鷺憶髫年

○楊恒大浮山○湖上新秋宿雨過青天倒影蘸秋波

分明一段蓬壺景白玉盤中擁翠螺○芮畿大浮山○

昨宵海上失蓬萊愁殺羣僊望不回  
飛入洮湖飛不去青蓮擁出浪花堆

其南十里有小坏山一名小巫山 據建康志 一名小浮山 據

縣志亦在洮湖中在縣治東北三十五里山下有石堂堂

丙虎跡水洞即見 據輿地志○案志稱山在延陵永世

故得遊承 二縣界中蓋今金壇之地古屬延陵

世接界 又東一里有張汶山在縣治東北三十五里

大坏之東南五里曰大荔山 舊縣志云山頂平曠竹樹清幽焚修之侶結茆其間

在縣治東北四十五里

又東南三里曰小蕩山山形如釜而罕蔭木在縣治東北四十里

又東三里曰落霞山一名霞山聖塔院在其下故又名聖塔山在縣治東北四十里

又西南七里曰雷公山一名雷山在縣治東北三十七里建康志引舊志云俗傳有雷公鑄劍於此因以為名下有法興寺寺有石洞可

丈許清泉不竭

又西南二里曰干東山在縣治東北三十里

又東二里曰漸安山在縣治東北三十二里案此山舊

傷陽宅陰基節經史馬秋王蔣金臧路鍾楊談管畢戴邱黃徐周張趙潘陳陶曹錢唐各族稟官示禁凡漸安

# 溧陽縣志

## 卷一

輿地志 山

三

山及附近之有關地脈者永遠不許開鑿一係康熙三十五年奉總督范批准禁碑在縣署儀門外一係雍正十三年奉本府鍾批准禁碑在山麓天花菴一係乾隆五十七年奉本縣張批准禁碑在山北法興寺○又案舊縣志無漸安山有東安山云在縣北四十里漏開土人無知此者豈知漸安之為耶然距里殊不合存之以俟考

又南一里曰山山字據廣韻一名山母山據寰宇記○

周處風土記云昔有百姓姓姥於此得道上有優曇峇舊縣志云唐優曇禪師駐錫於此因名峇

間北望洗湖空明如鏡在縣治東北二十五里東為宜

興界汪藻詩地山山亭野步○今日幸無雨天空出遙

桑陰平曠漲清波籠夢如入深溝賦戲鳧鷖新蒲應浮沈我本漁翁對此語初心風物豈不好悲來難自在  
戰塵暗中原四海如鷺禽黃屋狩萬里兩宮隔辰參龍移蝶蠹窺月晦蟾蜍侵宇宙有傾粉茲遊豈軀繳消憂賴濁膠太息誰能對○袁正山山曉雲歌○大坤濕氣蒸崧巖龍油然勃然連蒼穹曙臆注望東山峰須臾不見

青芙蓉初疑博山噴出紫煙縷又疑蜃精海底推起龍  
王宮東西模糊總一色上下變幻知幾重既非芒陽山  
中隱劉季又非陽臺神女遙相通養文元豹隱丹壑失  
巢老鶴迷青松忽見千株萬株老枯檜化作千丈萬丈  
蒼精龍斷崖滴翠時灑灑落花細雨春濛濛金烏欲上  
海水赤神光盪射生青紅狂飈捲地忽吹散依然繡出  
金屏風奇奇怪怪渺無際且將浩興收拾填心胸○仇  
遠山山○面姥峰高翠倚天洮湖春水綠無邊不知楊  
柳蒹葭外何處泊君書畫船○蔣堂山山○面亭深處  
枕清溪萬水回環盡翠微梅萼破香知臘近柳梢含綠  
熱春歸○狄冲優曇峇○早春山氣尚蕭騷曲蹬躋攀  
半日勞風引落梅棲短髮石欹斜竹拂寬袍歌聲時逐  
雲連面飲興相牽水滿洮儘可忘歸留未得夕陽迤邐  
在林臯○馬繩元優曇峇記遊○鬱鬱峰巒間一徑入  
幽曲回視下界松但見翻濤綠新月貼山額煙霧迫如  
束徑盡遂成岑寂樓霞局登山山益高望湖湖漸闊  
浮光如白虹遠勢壓林末歷歷湖上山  
雙帝翠可撥咽風單被寒延於欲擁褐

以上東北諸山據採訪所及略為敘次首尾者也

案東北諸山較少脈絡分明故無錯出難敘另行散列之項

# 溧陽縣志

## 卷一

輿地志 山

三

### 附錄諸墩

案岡嶺及界已敘入各山惟舊縣志所載諸墩除烽墩播羅墩今附見荆山外餘或不詳處所或絕非山類故仍舊例附錄諸山之役云

### 金雞墩在縣治東五里

案舊縣志作金雞山而云山南有義貝墩建康志亦作山謂在縣東十里高十二丈周迴五里今案治東五里有丈許小阜俗呼金雞墩絕非山也諸志殆誤以治南十里之金雞山加諸治東五里之金雞墩建康志所載距里及其高廣之數正與治南金雞山合特譌作縣東為異耳

崇元墩在縣治南三里廟基墩亦在縣治南泰安墩中

虛如城在縣西強步金墩亦在縣西買帽墩寒山墩俱

在縣北永定區鼓墩馬墓墩亦俱在縣北

### 水

### 西南之水曰胥溪

案古今地理家郡縣志多言比溪春秋時吳伍子胥所開以通漕使楚蓋高溧溧陽界中高木不通流子胥鑿之于是蕪湖西南之中江流逕溧陽以東注前漢書地理志蕪湖下云中

北出西南東至陽羨入海夫起蕪湖至陽羨舍溧陽西  
南之一道無路可由則胥溪即漢志中江信矣自前明  
嘉靖間于高渚東境增築下壩而蕪湖西南之水北流  
大江不復涓滴東下與子胥未鑿以前正同然下壩以  
東一入溧陽境則廣川巨浸綿亘曲折百數十里分出  
宜興荆溪二縣歸太湖注松江以入于大海此天然形  
勢必非子胥所開也然則下壩以東之水實松江之上  
流亦即禹貢職方三江之一矣夫禹貢揚州之三江在  
經文本無確證惟導漾言東為北江導江言東為中江  
亦並無南江字漢志始於毗陵北江蕪湖中江之外別  
有南江在吳縣南東入海然其為禹貢之三江與否尚  
無明文鄭康成書注始以南北中釋三江而其言曰左  
合漢為北江會彭蠡為南江岷江居其中則為中江是  
其實又與地志至別矣自是以南北中說三江者如偽  
孔傳云自彭蠡江分為三入震澤遂為北江而入海又  
云有北有中南可知此一說也唐徐堅初學記引荊州  
記江出岷山其源若養口可以濫觴至楚都遂廣十里  
名為南江至潯陽分九道東會彭澤經蕪湖名為中江  
東北至南徐州名為北江而入海此又一說也又有以  
大江與中北為三者初學記引漢書地理志注岷江為  
大江至九江為中江至徐陵為北江此一說也又引山  
海經三江者大江中江北江也故山郡有岷山大江所

# 溧陽縣志

## 卷一

### 輿地志 水

三

出嶽山中江所出嶽山北江所出並東注大江蓋本部  
璞注交此又一說也其但舉南北而不及中者水經西  
水下江至石城縣分為二其一東北流其一又過毗陵  
縣北為北江注以石城東出者為南江東逕長臨城  
安吳甯國故鄣等境以東注具區云云是也但言三道  
而下舉名目者周禮職方賈疏江至壽陽南合為一東  
行至揚州入彭蠡復分三道入海云云是也又有不言  
中與南北者越語韋昭解云三江吳江錢唐江浦陽江  
是也又有不言南北中而其說復異者史記夏本紀張  
守節正義云三江者在蘇州東南三十里名三江口一  
江西南上七十里至太湖名曰松江古笠澤江一江東  
南上七十里白蠟湖名曰上江亦曰東江一江東北下  
三百餘里入海名曰下江亦曰婁江此以吳下三水為  
三江也水經注引郭璞語三江者岷江松江浙江此以  
三江二在吳一在越也夫初學記所引山海經注荆州  
記漢志注之三江及水經注之南北二江原非以釋禹  
貢偽孔傳謂彭蠡三江人震澤周禮疏謂壽陽合一彭  
蠡分三全非事實國語解參入浦陽則又錢唐之別派  
耳惟史記正義三江口之說以文連震澤推之似有理  
據然議者謂三水偏小不足當揚州大川是以東坡書  
傳獨宗鄭注以江漢彭蠡為三江 國朝胡渭禹貢專  
家所撰雖指亦堅持不易而議者又以南江之字不見



於經故李紱三江考又取九江作南江并北中為三異說紛綸訖莫能定伏讀

州之二三江以岷江在北浙江在南松江居中之說為無以易若禹貢北江中江則專就岷江別之且在揚州上流非職方所指然後知揚州別有南北中三江不必以禹貢之北中二江相與傳會是職方之三江既定即禹貢之三江亦可定也水經注引郭璞語義亦同此歸有光顧炎武全祖望諸人並從之然顧氏之義猶以禹貢北中二江與三江相涉日知錄云北江今之揚子江也中江今之吳淞江也東流北會于滙蓋指固城石臼等湖不言南江而以三江見之南江今之錢唐江也夫北江揚子固與導漾節之北江一水相通而中江吳淞則與導江節之中江兩水無涉何以明之導江節云東迤北會于滙東為中江入于海玩一為字明係大江一水之所分而禹時蕪湖之水未必通江故建康志五堰考證謂闔閩伐楚因開此瀆運糧東通太湖西入長江其說必傳之自古故曰中江吳淞與導江節之中江無涉也或曰以漢志注丹陽一郡之例考之大水分支者曰受石城下云分江水首受江是也水別有源者曰出溧縣下韋昭云溧水出蕪湖夥縣下云浙江水出南蠻夷中溧陽下應劭云溧水所出南湖也而蕪湖下亦但云中江出西南明以上四水皆非大江所分矣不知漢志

# 溧陽縣志

## 卷一

### 輿地志 水

五

本據後世地理蕪湖之下偶失記中江首受江一語耳若謂漢志不記是據禹跡何又云東至陽羨耶是則非所以為證也至石城之水漢志注謂東至餘姚入海水經注以為南江而云東注具區實則宣歙等處中阻連山未嘗注湖入海二書雖不以之釋三江而其說頗誤故附正之或又曰史記河渠書既敘禹功復接敘後世疏引之事於吳則通渠三江五湖明非盡禹跡矣然墨子不云乎禹治天下南為江漢淮汝東流注之五湖呂氏春秋言禹通三江五湖淮南子亦云舜乃使禹疏三江五湖是則吳越之間江湖交通指為禹跡亦自有據不知懷襄之世特先治其大綱正不必以後世疏引之處盡謂四載所經也

### 起高瀆下壩

此據

嘉靖增築下壩以後故不云水出蕪湖

### 東流十里過鄧步

俗謠鄧為定又步字俱作埠案

正字通埠同步通雅埠頭水瀕也然古書並作步任昉述異記云水際謂之步又云吳楚間謂浦為步語之訛耳又歷敘上虞石駝步吳中瓜步魚步龜步湘中靈妃步而韓愈孔戣墓志云蕃舶至泊步柳宗元有鐵爐步志宋志端拱元年以郎步鎮為建平縣趙彥衛雲麓漫抄記上皇坐船泊於河步是唐宋以前俱作步字也建康金陵志亦入溧陽界又東北十里至韓城港又東北作步今從之

十五里出昇平蕩東西長五里其南之半有水焉一出梅渚東北流十五里一出社渚北流七里二水合北流三里來注之蕩東曰河口東北出三塔蕩東西長二十里蕩西北口有水自湯家橋南流十里來注之蕩東曰塹口東十里爲娑陀廟廟西北有水自強步東南流五里來注之廟南有水一出周城鎮南流十五里一出盤

白山

亦名觀山

北流西折五六里二水合流而西五六里又

北折六七里來注之廟東三里出南渡蕩東西長七里蕩西北有老鸛河自上沛步東流十五里南折十里來注之蕩東北口分出扁擔河南北長十里計自口北流三里東分出嘉定橋

俗名中橋

自口北流七里入上興步大

# 溧陽縣志

## 卷一

輿地志

水

五

河東出施家橋二橋之水各東流五六里入於前馬蕩

案卽顧陽江

自南渡東口東流七里北分出牖口曲折北流

十五里亦入前馬蕩自牖口東流二十三里北分出思

賢港東北流五里入中河泓口自港口東流十里入南

雙橋東流里許繞城四面爲濠別穿城出東南躍龍關

合流于城南東行五里至戴步港港之水自步北流二

十五里來注之自港口東流五里北分出長木橋東北

入於十字河自橋口東流三里出渡濟橋入剡溪界

西北之水曰瀨水起上興步首受曹山分界山諸水

案瀨

水有二其一發源曹山一卽胥溪東下之水也然曹山之瀨其下流亦與胥溪東下之水互相出入固始分而終合矣胥溪之源本名溧漢志溧陽縣下應劭云溧水所出南湖也是也而溧水東行至今高渚溧陽界中高

處其流遂淺故得瀨名矣溧或音轉爲菱國策范雎曰  
伍子胥橐載而出昭關夜行而晝伏至於菱水鮑本作  
菱夫菱字同菱夫則水字之形誤也史記雖傳作陵水  
音亦同索隱引劉氏云卽粟水粟又溧字之省文也瀨  
或音轉爲厲國策范環曰楚南察瀨湖史記甘茂傳作  
南塞厲門是也而瀨水仍可稱溧水元和郡縣志云溧  
水在溧陽縣南六里唐之溧陽治今舊縣縣南六里之  
溧水卽笠澤叢書縣南五里之溧陽故知瀨亦稱溧  
矣以上諸書溧瀨菱陵展轉通借而古今傳述境內之  
水多以瀨名如瀨陽江瀨陽浚投金瀨之類良非一水  
所獨擅然諸瀨大源未築東壩以前出於南湖既築東  
壩以後則境內之羣山萬壑雨水所成不獨曹姥而已  
六朝事跡彌乾道建康志乃指曹山之水爲溧源溧陽  
舊志亦謂瀨陽江源出曹姥合於瀨陽江東流爲瀨溪  
其說並非然曹山地高流淺不妨亦以瀨名若  
因非諸水大源并不許其名瀨此則拘泥耳 東南流

十里爲楊溪牖

廣韻三十一洽牖士洽切下牖閉城門也今水牖字正當從此而近人每作開

案二十八盍開古盍切閉門也三十二狎開烏甲切開閉門義雖近而音迥別又東南十里至

東塘橋其一南流里許與上沛步西來之水合流出老

# 溧陽縣志

## 卷一

輿地志

水

五

鶴橋其一東南流十里出施家橋又東流五里入於前  
馬蕩

又西北之水曰北山水起竹簣橋首受瓦屋諸山水東  
南流二十五里出閔家橋又南流五里入於前馬蕩自  
橋東南流八里出余家橋又東南流八里至瀨溪又東  
南流十五里出北雙橋與南雙橋水合

北方之水曰覽橋河起界牌橋首受金壇諸水南流十  
里過覽橋西北有水自後周東流十二里出八字橋又  
東流十五里出馬墅港來注之自港南流里許東分出  
土山港流十里入長蕩湖自港南流十三里過董家舍  
橋其西有前馬瀨溪古瀆諸水來注之其東出長橋分

廟橋埭橋諸道東北流五六里入長蕩湖自董家舍南  
流四里爲沙漲滄南北長三里又南流五里東北分入  
昆侖港口流二里至昆侖橋又東北流五里至上十字  
河其一北流十里東折入長蕩湖其一東南流三里會  
歌岐馬墊河自上十字河東流三里至下十字其南有  
歌岐港水北流十五里來注之又北流八里入長蕩湖  
自下十字東流十二里至湖墅有舍頭山前之水自西  
北來注之合而東流三里出楊巷橋入宜興界自昆崙  
港口南流五里出北雙橋與南雙橋水合  
南方之水曰南溪起戴步首受南山諸水北流七里至  
新橋其西南有駱駝橋會諸山之水東北流注之又北

溧陽縣志 卷一

輿地志 水

三

流五里至分水墩其一東流百家蕩入荆溪其一北流  
十五里至黃墟蕩南北長三里蕩北口有水自鄭家橋  
東流五里逕古縣北折轉東共十五里來注之又北流  
二里出戴步港入大河東出渡濟橋

諸湖之存者曰長塘湖據晉書王恭傳一名長蕩據水經一名

洮湖據張勃吳錄引或說在縣東北二十里建康志作五十二里似誤從唐治起數

周一百五十里祥符圖經作周百二十里與宜興金壇分有之周禮

職方五湖之一也五湖之說多端吳越春秋夫差內傳注云貢湖游湖胥湖海梁湖金鼎湖

也史記太史公曰上姑蘇望五湖正義謂五湖連太湖以游莫貢陵胥當之並不數長蕩楊修五湖賦韋昭國語解張勃吳錄孔穎達禹貢疏俱以五湖即太湖案職方揚州其澤藪曰具區其浸五湖則五湖之非太湖明甚諸儒或以爲一者殆誤讀職方鄭注具區五湖在吳南之文耳吳南之說雖誤然鄭意謂具區五湖俱在吳

南非以五湖釋其區也水經注以長蕩湖射湖貴湖隔湖并太湖為五吳錄或說則以射貴為一湖并太湖上湖泚湖瀟湖為五未知孰是至史記索隱云五湖者且區泚瀟彭蠡青草洞庭此蓋以泚瀟為一湖也但洞庭青草遠在荆

州索隱誤矣西受境內諸川浸北受金壇大溪建康志云湖受大溪南流三十里至大壩山案東出宜興中有二山曰

大浮小浮建康志云春夏水深五尺餘秋冬差淺案今

淺深未詳然魚葦微利猶為小民所仰給焉張籍長蕩湖○長蕩

湖一斛水中半斛魚大魚如柳葉小魚如針鋒濁水誰能辨真龍○嚴道前題○遠水長天入望際有人當檻

岸烏紗八風不動飛孤鷺萬頃無垠浴落霞漁父垂竿秋練淨商人倚棹夕陽斜直疑身在冰壺裏孺子歌殘

興未涯○符觀秋省過泚湖○泚湖風急片帆開此地曾聞范蠡來雲雁向誰堪問信沙鷗見我自相猜兩峯

青插淇濤裏層巖紅依峭石隈滿眼風光留不得絆人王事急相催○狄斯彬泚湖○面峯松石瞰長湖萬頃

煙光似有無鳥去遠山隨樹沒漁依古堞向人酷片帆風駛驚濤湧斜日僧歸斷浦呼如在畫圖行未了扁舟

# 溧陽縣志

## 卷一

輿地志 水 美

早已入平蕪○朱多炆泊長蕩○蕪葭一望暮蒼蒼長蕩湖頭煙水長怪道今朝楓葉盡夜來七十一二橋霜○費達長蕩湖舟中○浩淼湖光漾碧天煙帆斜曳荻洲前長空千頃歸雲晚都是坏山一抹煙

曰三塔湖即三塔渚也亦名梁城湖在縣西南六十里

周四十里建康志作周十八里非上受昇平湖下注南渡蕩舊有

三塔寺寒光亭諸勝久廢張孝祥詩詞岳珂詩別見亭寺茲復錄珂詩中諸詩於後

○渚中水淺輿從下肩舟詩云水面平如砥湖心淺不波駕肩同作楫袖手莫譚河不見成橋鵲空傳渡磧駝

勞生正應爾多愧白鷗莎○去歲五月二十八日發雪錦亭以六月旦謁富池而行是夜始望見廬山今歲以此日正在湖渚中念歲月之倏忽驚道途之勞勩回首

感歎二首詩云雪錦亭前夕照紅燭唐寺下曉聞鐘傷心楚水又經歲回首吳雲知幾重萬里同盟祇鷗鷺三

江嘯浪憶魚龍如今且對湖光裏八九重開夢澤陶去

年今日富池頭浩傷煙波卷雪樓湖海百年雙鬢老荆揚兩地一萍浮河斜左界流清夜雲密西郊望有秋通

塞隨時何必問明朝又放溧陽舟每水漲瀾漫舟行失路乾隆初湯振

原倡建十石柱以為標識嘉慶六年監生湯岳復自建十石柱舟行便之

曰昇平湖亦名昇平蕩在縣西南七十里首受東壩之水南通梅社二渚

諸湖之廢者曰朱湖在縣東南八里

郭璞江賦具區洮瀾朱產丹灤李善

注引水經注曰朱湖在溧陽建康志載或說朱湖即丹陽湖之異名然則郭賦朱丹複出矣始非也久廢

為田或曰曹蕩圩是也竟成沃壤

據舊縣志

或又作曹公圩

據野志

曰下湖在縣南十里周五里流入白雲涇

案建康志舊縣志又云東

入太湖此遠及其委耳

曰千里湖一名千里滄或曰即黃墟蕩也在縣南十五

# 溧陽縣志

## 卷一

輿地志

水

五

里陸機言千里葦蕘指此詳見物產

曰黃山湖周十五里

建康志作周五里非

在縣西南三十七里盤

白山下今廢為田

曰牛犢湖在縣西南五十里從山鄉久廢為田

諸滄之存者曰南渡滄一名瀨陽江在縣西四十里周

二十里上承三塔下入南雙橋其北有投金之瀨

子胥投金

瀨莫能確指據李白碑貞女黃山里人則擊絮之水理距黃山不遠當在南渡之南矣但據吳越春秋闔閭內傳子胥入郢還師過溧陽瀨水之上欲報女百金而不知其處乃投金水中而去則是子胥投金之所原非貞女擊絮之所也案陸龜蒙笠澤叢書云縣南五里有投金瀨此唐治即今舊縣也董衍貞女碑序云碑昔實縣之西北四十里子胥投金之浹此宋治即今縣治也由其方向距里推之是瀨在舊縣之南南渡之北今其地有所謂木杓兜者貞女墓在焉必金瀨左右也○楊邦乂金瀨弔貞女歌○溧山兮蒼蒼瀨水兮湯湯中有貞

女飲冰茹霜於焉擊漂維瀨之陽遭壯士兮苦絕糧  
窮不惜傾壺漿所慮既以義安能計存亡幡然捐珮入  
不測下游九土從英皇耿幽光兮貫白日凜正氣兮摩  
穹蒼嗚呼世無李太白此女終弗揚遺風奕奕山高水  
長可以敦薄俗激忠良千古萬古誰頌頌○李綱投金  
瀨有感○楚王聽讒誅伍卿招呼二子同就烹子胥嘗一  
弓見使者義不戴天非惜生操瓢乞食困江表曷嘗一  
日忘郢城漢水之陽遇貞女壺漿簞食欣相迎當時道  
捕尙爾急殺身滅口意豈輕霸吳何止服勾踐被楚遂  
以鞭荆平倒行逆施道雖遠復仇摠憤聖所稱邇來訪  
舊欲報德歎息玉質隨流萍投金淺瀨亦何有聊以寓  
意通精誠哀窮進食類漂母解劍掛墓同延陵古人已  
矣不可見空有史筆垂英聲○王端朝金瀨弔貞女○  
嗟彼戰國秋風俗日以漓卓哉史氏女粲粲蘭蕙姿守  
貞奉慈母克盡烏烏私業貧不辭苦擊漂臨清漪適爾  
遇丈夫失路良可悲惻然爲發管振被窮途饑振窮乃  
所愿越禮非所宜滅口葬魚腹此心天地知丈夫既得  
志雪恥鞭平屍念此一日恩仗節還來茲百金報無地  
立馬空嗟咨俛仰易陳跡屈指萬古期誰招地下魂惟  
餘道傍碑雄辭吐激烈粲若星貝垂吾生後謫仙况乃  
駕純資捧心學西子取笑將奚爲留題表貞義庶幾薄  
俗移○王貞瀨上貞女碑○戰國謀臣避難行丁寤紅

# 溧陽縣志

## 卷一

輿地志 水

序

粉却追兵生前不負英雄信死後難磨貞義名千載清  
風人已遠一江流水月空明當時失載春秋傳幸有殘  
碑勒舊銘○陳周金瀨浣女○楚城吳疆似轉輪每逢  
鷺柳羨陽春多情惟有寒江月夜夜清流弔一人○史  
紳投金瀨○古跡中江大禹開溧陽東下勢繁同伍員  
報德投金處史女捐生抱石來夾岸垂楊黃葉路連天  
芳草白沙堆太平老我無餘事擬向磯頭築釣臺○任  
端書金瀨弔古○水竹森蔽虧蕪蔣紛叢芮野僻人少  
過景清心獨會一向  
投金瀨翻思溧陽尉

曰瀨陽渰一名瀨溪

俗謠浪洋又謠爛溪案今有瀨陽村又有瀨溪村然以水論之則諸

村一帶皆古瀨陽  
渰亦即瀨溪也

在縣西北二十里上承前馬之水東

注沙漲渰

曰謝達渰一名前馬蕩又有永陽江九陽江穎陽江諸

名在縣西北三十六里上承舊縣南渡諸水下注北條

大河

曰沙漲渰在縣北十里北條大河所經西受古瀆前馬

諸水合而南流揚謙同方佑之遊沙漲○溪上輕風吹

侶遯跡偏於耕鑿宜野鶴向人詩思逸鄰翁訝

客酒杯遲陶然不覺成深醉鳥喚提壺更勸誰

諸渰之屬存或全廢者姑仍舊志備錄焉曰古縣渰在

縣南十五里晉永世縣故址與千里渰相連

曰魯里渰在縣南三十六里

曰葛涪渰在縣西十五里與新昌渰相連周四十五里

久成圩田屬餘一派可通舟楫

曰強步渰在縣西五十里

曰塘下渰在縣北三里又五里蔣塔渰又五里火叉渰

又三里徐角渰又三十里諸蕩渰

溧陽縣志

卷一

輿地志 水

三

溪灣澗潭港瀆涇洋溝水之屬足備參考者茲亦具錄

焉曰薄荷溪在縣東十八里上通洮湖下入宜興之泚

泚舊縣志云一云九里湖

曰白雲溪一名白雲涇在縣東南十里溪流清澈雲色

輝映東入於荆溪又城南山川壇之東有溪同名

曰谷溪在縣南二十里源出青山舊縣志作南十里源出廣德非今據建康

志東北入於瀨水

曰高友溪今名高要在縣南二十餘里源出丁山碧嶺

北連黃墟蕩入於白雲涇舊縣志誤作南六十里源出廣德今據瀨水備闡改建康

志亦云南二十里而云源出廣德則誤也

曰舉善溪即南溪在縣南三十里源出龍潭諸山建康志誤



作源出廣德今從舊縣志及灑水備聞

東北入高友溪

曰金陵溪在縣南六十里源出廣德馬蹄泉

案此泉蓋在廣德諸山之北

山之北北入新橋河分注荆溪

曰藍溪在縣西南六十里溪上有墩曰挂魚墩相傳陵

陽子明釣魚處

舊志云子明得道經縣陵陽山溧陽舊隸宣州或嘗垂釣於此見疑辨

曰殄溪一名大溪在縣西六十里源出荆山入三塔蕩

曰隔溪在縣南五十里源出銅官嶺之麓

曰黃連灣在縣西北六十里上興步

曰曹塘澗在縣南三十五里又二十五里曰橫澗

曰上湖澗在縣西南六十里源出松嶺東北入荆溪

舊縣

志云源出廣德東北流合于白雲溪非今據嶺水備聞改又建康志亦云源在廣德軍東北流入縣界合於白

# 溧陽縣志

## 卷一

輿地志

水

三

雲溪不若備聞為確

曰大澗在縣西南四十五里又十五里曰流水澗曰洪澗

曰盤龍澗在縣北四十五里

曰白玉澗在縣北七十里黃金山西澗石瑩潔

曰龍潭在縣東北十八里黃家橋東大旱泉涌不絕又

一潭在西南龍潭山

曰戴步港在縣東南五里

曰韓城港在縣西南六十五里

曰鹽港在縣西七里上通南渡下入泓口

曰毛家港在縣西十三里又十七里曰李家港上通湖

瀆橋洩黃山諸湖之水舊志云此水可濬今則淤矣

曰淦西港在縣西二十一里與金花蕩新昌相連

曰東塘港在縣西五十里與真武塘相近

曰永通河港在縣西七十里上受方芝諸山之水南入三塔蕩康熙四十四年官準開濬四十七年生員湯之進等呈縣示禁勒碑不許築壩漁利

據碑

曰丫枝港在縣西七十里瀆溪之水由此入溧陽

曰馬墅港在縣北三十五里西受後周諸水東注甓橋大河

曰橫邏瀆在縣東七里南接白雲涇北通洮湖

曰古瀆在縣北二十三里與瀨溪通

曰呂瀆泗瀆周瀆俱在甓橋土山旁

# 溧陽縣志

## 卷一

輿地志

水

三

曰涇瀆在縣北四十五里金壇溧陽界上之水會而南流東分入洮湖建康志引鎮江志云晉宋舊有此瀆隋大業初縣令達奚明又加疏決舊縣志云歲久復淤每積雨則丫髻瓦屋諸山之水無所洩瀨湖之田被涇稍旱則又引灌無所明成宏間知縣蘄璋及符觀加濬水勢深濶民咸利之詳見橋梁

曰澡車涇在縣南十里黃墟蕩白雲涇之間歲久淤淺成化間知縣熊達疏決之民以爲利

曰豐登洋在縣東十五里麓上橋之左洋中有小渚相傳夏夜納涼獨無蚊蚋

曰百丈溝建康志云一名百步溝在縣南五里源出燕

山相傳此處田多高功開溝灌溉東流合于白雲涇舊縣志有壩見塘過

風俗

案舊縣志風俗首條所引明一統志考其本書並指江甯府非謂溧陽也茲故不錄

宋景定建康志云溧陽縣介江濶之間其君子篤厚恭謹恬靜自得藝文儒術藹然相向其細民務本力農淳朴質直類知畏法名儒勝士多因避地來寓溧上往往樂其風土而定居焉宗丞王端朝曰是邑有李太白之英風故其人多秀而文有伍子胥之故迹故其俗多義而勇然在嘉定間淫祀頗盛知縣陸子適痛除之子適記○天地之間有至正之氣則為陽剛為醇厚為正直為聰明有至邪之氣則為陰險為浮薄為妖妄為昏愚在昔義盡八卦卦禹鑄九鼎孔子作春秋繫周易蓋以勸是正闢是邪也戴圓履方職自宜然而握禍福之柄於

溧陽縣志

卷一

輿地志 風俗

三

冥冥之中者又可以邪而紊夫正邪子適誠庸疎不能趨近時好每念天覆吾地載吾隨波同流見義不為真妾婦之道聞古之人有毀淫祠者有擊蛇妖者有遇聖水者心誠慕之及為此邑幸條制紊而無統民情惑而未解詳考情索則皆以淫祠之鬼依附假託種類實繁為害孔熾淪入肌髓習熟聞見牢不可破而致然自夫白雲厲教之滋也而雄據阡陌豪奪民業銜辛茹毒罔所訴理有司一問則羣噪釀賄白黑淆亂弱下糞乏困於徭徵彼獨偃然自肆寸絲粒粟不入公上羣毆邑民或以赴訴則昧吏驚證反為所誣根深蒂固歲月滋久民視之若禽獸異類然視法禁如無也自夫厲鬼氏祀之橫也而疾疫洊興民多夭折辟去藥餌拒絕姻好惟巫覡之為聽不至斃不已禱祈祝請禮未究竟而其人已死者有之然且曰齋潔有未至誠敬有未孚響答未加威譴是速逝者不可悔生者之命資死者之福殊狀醜態駭死如歸焉意以延生者之命資死者之福殊狀醜態駭愚惑眾土木之祠藻繪於躬鬼之部伍各為某疾而肖其證尸而祝者弗止厲而死者曰滋自夫五福殤鬼之暴也而民汨其良心易其天性禮遜之質盡忘而乖爭之習成俗不吝於死傷而恥於退儒嘗聞鬪訟而得其所以蓋民有私憾而不克逞則之神而告焉其法用鷄鴈手刃而刺之血刃而加諸槃水之上鬼降則刃躍于

空乃敵其血而之所欲甘心者雉羽寶鏹以飾其怒長  
獻距踊以輔其氣曰吾得請于神矣及恃而致之獄一  
問無異辭獄成而審之狀然稱不寃及出過通衢長歌  
有得色自謂死為神之徒民生之不幸殆未有甚於此  
者此三者實陰險浮薄妖妄昏愚之大者也子通曰有  
我則無汝今奉天子命司民人社稷三鬼何為者亂吾  
政賊吾赤子較之淫祠蛇妖聖水其害爾甚夫妖從人  
興妖不自作魔教之妖人之奉鬼者也厲鬼殤鬼之妖  
鬼之害人者也人之奉鬼其責在人鬼之害人其罪在  
鬼在人者當易其習在鬼者當除其根歲在己卯先疆  
城之習魔教者奪民業則正而歸之不輸賦則均而取  
之囂頑之俗萃於一旦黨與之眾散於反掌此所謂易  
其習也獸貌鬼質自聖僭王侑食土神峻宇高位者撒  
而去之狼曰露肘翹足揮刃呼嘯命侶偃蹇睚眦者碎  
而空之此所謂除其根也自時厥後賦役得其平疾癘  
不復作殺傷者幾絕於是邑之詠獄日以清而嚮者心  
腹膏肓之害一朝盡除然後陽剛清厚正直聰明之氣  
勃然而生矣方子通之正是三者人皆為子通危之子  
通自念身受之於天學稟之於師豈可為愚鬼屈及其  
成也民皆嘆曰令尹愛我使我披雲霾而親青天阡陌  
之上罔非良民閭閻之間化為樂土子通所以粗能信  
其志仕於斯邑者蓋基於此乃記其顛末庶來者有考

# 溧陽縣志

## 卷一

輿地志 風俗

三

焉嘉定十三年記

元時溧陽俗喜賽會畧見仇遠金淵集

仇遠三月二十  
六日書所見○

從來賽社說金淵鼓笛鉦旗隘市塵地上鬼神行白晝  
夜中風雨洗青天妖氣早魃驅無跡和氣歡聲兆有年  
車馬縱觀兒女事老夫閉戶讀韋編○案至元間江東  
廉訪盧摯行部溧陽事見疏齋集時猶舉采風之政也

明宏治符觀縣志云民居其間君子尚樸素好儒術小

人力耕植少商旅婦女不出戶閭不事冶遊文藝盛於

潘乾之後節義襲於貞女之餘然角氣惑邪未能盡變

嘉靖之末瀉風漸散轉更媮薄

馬一龍耆社記略○嘉  
靖庚申會者二十四人

昔年七八十以上各陳五十年前一事呂誥記當時先  
大父致政家居客至木席圍坐子弟俱役粗蔬一肉酌  
則其器俗呼陶同知者今則饗賓百物歌舞沈湎主人  
凌駕儕輩子弟蔑視父兄陳錫記當時鄉里不知表字  
年長直呼幼人名今屠販賊獲無不美號甚或去其號  
之一字呼為某翁鄙而不通陳廷祿記當時無統綽之

士布衣衫袴赤足芒鞋非久別相見則拱手不拜揖今皆惟裳大袖金線巾雲頭履雖家徒骨肉揖拜數十務爲足恭呂訥記當時人皆食力市廛之民布在田野男耕婦織小兒女輩亦攜竹筐拾穗挑菜而今日野之民聚在市廛張拳鼓舌百計詭遇兒女長成宛歌修容無復常業呂方記當時親族和睦遇有客則各攜酒肴不速而至所言農桑婚嫁諸事別無官府城市射利徼福之談視今親族無義忌嫉欺凌以衙門乾沒相尙爲能者異矣呂京記當時師事繆先生先生父爲御史鯁直獲罪家無中人以下之產今之居言路者其貧必不至此史儒記當時吾先大父公廉節儉嘗貸與百姓四十金已償而暴死其子未之知也復攜金來償與之食飲而語之故乃謝而返今則父債子償人以爲難而貪財圖得者又違計取之之義與不義乎陳大德記當時婚娶只論門閥相當媒氏一言遂定兩不求備今女家既索財禮數百兩男家亦論資裝幾十箱稍不如意非過期不歸卽歸而見斥恬不知恥轉以成風馬漢記當時先伯爲蒙師每日立二禮生卯入序尊卑長幼以次唱揖酉出亦如之束脩聽人自致貧者弗納其有不率教扑而逐之密似今日日師求富翁弟樂諛師務爲浮華蒙正失養卽呂璧記當時子弟舉業未成者不肯冒傷生力服有司強之多避去而今儂子豎兒厚賂干進恃此

# 溧陽縣志

## 卷一

輿地志 風俗

三

遮蔽門戶爲招權納貨之階故衣食纔充不入生員之籍便趨胥吏之途而務本力食之民寡矣王廷佐記當時小民不識官府不習刑憲禾稼登場先春以輸賦有司出內擇老成殷實者掌其數以故民無逋賦而官有羨餘其後收掌非人漸肆侵漁民亦慢於輸納今姦利眾而十室九空謀生難而一人三失如之何其不流離禍患耶王仁記當時同宗有以御史出按還鄉過親友家輿門不下衆讓之御史急謝過其卑幼遇尊長拱讓道有今冠人財主駕車乘馬揚揚過問里芻牧小奚見仕宦指呼姓名無所忌憚貴賤各逾分矣陳時傑記當時合先公嘗爲邑令貴游通刺不過二指關東大書某拜鄉中往來更不投刺不遇則以土塊書姓名於門而去今同室兄弟率用六葉全東公卿大夫紅箋錦標芒字百拜陳廷黼記當時隆冬盛寒家家土炕梢袖煨芋葛煮黃蘗菜飯團坐食飲今富貴家挾二二三驕客在紅爐煖閣羊羔美酒遺棄老親責養於他子而不顧陳大誥記宏治間貧人稱貸息無過三分吾先大父嘗以粟貸人適值困底頗雜糠粃先伯誤以概平斛大父奪概手撻之而今富者巧取重利貧者亦不思復償展轉相仇兩敗乃已馬湖記當時吾先君魁榜後嘗侍食長伯父偶失容儀伯怒呵先君不敢出聲惟唯謝過今或弟彊兒弱唾面安然陳暹記當時民不知訟訟而理屈

亦卽輸服同室有門其不直者眾爭屈焉後鄉人王某善訟告許紛紛蠹民傷化萬民化記今先公爲吾門甥兩家兄弟相親若同胞其父母亦各愛如已出今木支骨肉講張爲幻其或貧賤憂患膜視避去陳桂記當時富家房舍不過工字八間或客圍四圍十室而已今富貴之家重堂邃寢園亭池館之勝糜費幣輸史鞏記當時令先公與兄俱爲府庠生兄弟更相爲僕博學能文傑然士類而還家見戚族如不知文墨者南京往返數百里徒行旅宿而今生儒輩橫臂騁途藐視窮老車馬篋從赫奕臨之口譏記當時近村數姓惟事耕讀其後農苦不富儒苦不貴棄業他圖而今游手好閒妄生譏議自託清談晉流敗俗之備也呂庭記當時良賤殊族更不假借雖大富貴時無下氣而加禮者今舊族貧棄新門豪板彼此安然以爲志陳蕙記當時領白負戴於路少壯者遇之則分肩而行老人見攜兒必抱送彼家不避勞阻而今子弟疆橫則備其父兄途得攜子竊而去之將鬻以謀利陳邦瑞記當時各村俱有社壇社學有故則會集壇下子弟無力者社師教之歲時伏臘交通情悃商榷事宜謂之茶會今壇無址學無師義分際絕而薄俗猥鄙安望比閭族黨之化行哉一龍曰吾少不記五十年事諸公喻我矣今昔殊習吾三犯焉居廣大而服華美棄徒行而安車馬志古之人而不免時

# 溧陽縣志

## 卷一

輿地志 風俗

三

俗之趨鄙哉一龍也時又有瑜伽之教患苦民間馬一龍毀淫祠劄略聖人制

天詔毀天下淫祠而未克卒毀溧之西南封有倡爲瑜伽之教者曰許道合其徒幾數千人晝募於外宵聚而詛賊人之夫而奪之妻突人之室而劫之貨其後去之而遺其孽於虞順匹夫挺劍百人應之事雖弗集厥造之而至於成未必不爲綠林黃巾也撒其梵宇去其淫像爲之婚姻戶籍使田以廬則國無游民民無冗食可謂良有司之善政矣

季年滋益奢汰矣吳穎間史云吾邑人勤生而儉守自利而尚爭至萬曆之季俗又一變服

食夸美妾媵僭擬無復勤儉之風而漁弋多術消乏細民眈眈於宮室田疇之利利既自專爭認不息賢有司意欲變易之尙未能也其後復有於氏教所奉不知何神至

國朝康熙初始盡斂迹吳穎間史云近有奉於氏教者衣食無缺急難必赴晝聚而夕不散

淫亂似所不免世未著有捨奪之事徐一經縣志云迄今始斂迹無遺

康熙七年江甯府志云溧陽縣在府治東南二百四十

里民俗果毅務農植穀不事商賈然好氣尙力舊稱狡獪難治徐一經縣志云溧人勤儉俗之美者也不幸一變而奢不幾魯爲齊而唐爲鄭乎夫儉之流弊曰鄙奢之遺禍曰貪利與害固當權其輕重矣余承乏茲邑已二載見其君子沈深善論議其小人勤苦習耕鑿風氣不大異於前人之言而察其蠱俗而蠹民者其源有三焉一曰魔教殤鬼巫祠呼朋引類率遊惰以恣冗食火書廬居其容緩乎二曰羣飲區里豪民官府胥隸饕餮狼戾夜以繼日其不致荒腆逸諺者幾希三曰譎激而好諍錙銖之較乾餼之愆輒相牙角訟牒日盈十百紙昔人珥筆之喻豈無謂哉夫俗始於教者也上不學道

溧陽縣志

卷一

輿地志 風俗

三

則下流於邪上不節用則下習於侈上不務德化而以術御則下日尋於干戈而無已董子曰一道德以同風俗又曰教化行而習俗美則考今日之治以成異日之俗余曷敢不兢兢與乾隆八年吳學濂縣志云溧俗聚族而居崇尚譜牒多有宗祠朔望供飯焚帛紳士雖貴顯不飾騎從宦家女子亦布素習女紅中饋之事婚嫁不計奩財村有學師軒文而輕武不事外遊商賈惟耕讀兩途而已其農事勤惰各半而蠶桑之利向惟姜苧新昌兩村鼓舞利導近且繰車軋軋聲徧四鄉矣然好勝喜訟喪葬惑於堪輿家說又喜賽會演劇齋醮淫祠以理喻之亦稍稍衰息誠能化爭以讓和順於道德而

息其桀驚不馴之氣是則余所厚望也夫

宋辰後除妖  
詔畧○溧邑

宋季民俗頗惑於妖賢幸山陰陸公本神明之德以除  
之廓清者數世矣近日邪說漸起愚民信之牢不可破  
城中有五猖廟厥狀猙獠姦民借以生事棄產媚鬼絡  
釋不絕又邑有前馬村民居稠密相傳宋時湖蕩中夜  
忽有光探得二木箱中貯奇形異狀木雕傀儡若干陳  
芮二姓各分其半每年春杪科錢迎賽奔走若狂相沿  
已久日增月盛宰牲聚飲費甚不貲富者貧而貧者困  
大害農事民力消耗乾隆二年高安吳公之初莅溧陽  
也勤民事正民風毀五猖之像為五賢祠扮蕩演戲之  
風亦以稍熄逾年歲稔民和利興弊革唯前馬迎賽俗  
終不改公聞之嘆曰是妖也非禮也至治之世其鬼不  
靈學濂奉

天子命來為吏宜為民除害乃於壬  
戌之春親詣其地昇像至公堂集里民燬之且諭之曰  
賽會迎神勞費無益孰若留充公用為一鄉築堤濬溝  
以防旱澇乎民乃豁然悔悟如夢初覺復慮民之始信  
而終疑也賦詩二章以曉之其一曰傀儡由來自昔傳  
華光作福賽年年可憐兒女癡歎甚賣却新絲典却鈿  
枯木無靈已化塵民間歲省百千緡移將修築隄防用  
好聽農歌  
大有春

# 溧陽縣志

## 卷一

輿地志 風俗

三

### 城池

固城東漢溧陽縣治晉宋齊梁陳並仍之在今治西一  
百三十里高淳縣境太平寰宇記云城廣二千七百五  
十步至正金陵志引乾道志謂在溧水縣西南九十里  
高丈五尺羅城周七里二百三十步子城一里九十步

宋周必大南歸錄云由三塔院三十里至溧水鄧步又  
十里至東壩乃登陸行十五里至銀樹又六七里至雙  
港口復登舟約十餘里至固城湖蓋數百家之聚也是  
日西風動地而雨不作登妙智菴觀范同參政交墳晚  
與菴僧散步固城之上父老謂之楚王城其周數里地  
勢甚高但餘城基菴中石碑龜趺乃去歲掘得之唐天  
寶中彌勒寺碑也○案固城有楚平王廟周邦彥詩云  
姦臣亂國紀伍奢思結纓殺賢惡遺種巢卵同時傾  
雖脫身去口血流吳庭達士見幾微楚郊憂苦兵十年  
軍入郢勢如波捲萍賢亡國嬰難王死尸受刑將曠七  
世廟先壞百里城予胥雖捐江素車駕長鯨驚濤寄怒  
餘遺廟羅千楹王祠何其微破屋風泠泠蠶豈陷香案



飢鼠懸燈檠淫俗敬魍魅何人顧威靈臣寃不讐主况  
乃鋤王瑩報應苦不直吾將問冥冥又有亡名氏固城  
詩云戰血淋漓麗固城子胥當日復陵平千年雪憾應  
無憾何用濤聲作怨聲此則誤用滕公廟記詳見疑辨

古縣孫吳永平縣晉宋齊梁陳隋永世縣並治之在今

治南十五里建康志云周三百步遺址高一二尺今俗

稱故縣內有唐隆寺舊基鄉民猶能言古狴犴之所

案晉

改永平為永世不聞并改其治而前志並以古縣當永  
世治故知永平原治此地耳互見沿革○虞許過古縣  
○殘毀如甌脫堪驚過客魂運移譚廢井土著說荒村  
搜渤遺牛馬街衢走犬豚寒烟與斜照此地自朝昏

平陵城晉平陵縣治在今治西三十五里金陵志引乾

道溧陽志云周二里高一丈四門濠濶六七尺居民五

六家

案唐元和郡縣志平陵山在溧陽縣南十八里笠  
澤叢書謂溧陽縣南五里有投金瀨又八里許有

故平陵城所謂縣南皆主唐治而言即今善縣也金陵  
志云平陵城南五里有平陵山以三書參考之距里正

# 溧陽縣志

## 卷一

輿地志 城池

四

合但金陵志亦誤信滕公廟記以春秋時已有平陵縣  
耳又案唐皇甫冉贈裴十四詩有舊國想平陵春山滿  
陽羨之句溧志收入藝文但裴與皇甫俱非邑人亦未  
嘗來宦則其所云舊國平陵乃漢代扶風屬縣與晉永  
世析置之平陵初  
無涉也當俟詳考

舊縣唐武德三年復置溧陽初治此在今治西北四十

五里金陵志引戚志云城已毀惟巡檢寨後小坡上有

城隍廟前有開元十七年碑國子進士蔣日用文

蔣日用城

隍記○惟天為大假象以明惟帝為尊崇職以理分司  
揆務字人銅墨之班建邦設都首政子男之國非夫公  
雉斯之謂歟溧陽縣者秦漢舊邑要荒雄鎮遠闢走楚  
均江浸湖勝饜蓋山之靈服賈梅根之利資貨紛積人  
俗厚生矣厥土塗泥及肩邪辟春霖秋潦崩坼是常修  
役歲勤人弗堪命夫事窮則變理通則久經遠之方以  
俟能者員外丞濮陽吳公名令璿字無點希民之峻也  
玉英金翹物莫能比泉澄山峙人不窺際謫桓譚於卑  
位實嘆非辜滯張暢於下寮當申積屈往因前宰久假

總攝縣曹分命胥黨廣敷善政觀其溫斷以抑姦愛恕以容困恭敬以攝勇寬正以懷強俾夫從化如流遷善若響雖大楹未發養德俟時應物無滯則動不妄故能處磨涅之中無緇磷之損居毗佐之列宜茲歌之政慨茲城宇謀爲遠圖料揀名工准量廣表事因農隙力會子來鳴柝作雒城之歌箭鼓有漁陽之摻自甲達癸崇墉屹然危傑數仞層樓四絕表以瓴甌削劣龍盤架以飛軒參差鳳舉素壁月照蘋蕩霞飛瑩江海之光陰潤山川之氣色明幸梁國喬公名翔宇方慶雅度端平清規簡正秋霜禦黯冬日臨人虞叔卿之利器盤錯不避陳伯貞之異政清高獨遠其才足以幹伐其忠足以矯非爰自下車載嘉厥跡迨以爲城壁之設既以盡善津梁之利倘或未通此縣南壓中江夷康中斷風波不借舟楫無施徒涉莫憑公私稽緩矣幸君思閎廣利靖瓶厥端申命工吳咨其規畫悅能使眾習足成功曾不決旬茲構更畢浮梁天橋留飲澗之長虹表柱峇亭集遼城之仙鶴影圖七宿上接山河波動九天下臨霄漢維香車百兩未停流水銀鞍千騎不駐浮雲行旅欣其就安居人歎其神速大雅遺美實可當之武庫奇功彼直慙德幸君又於縣南造帳坊及中門樓等倍加精麗不日而成且縣宅茲土近百餘載烹鮮毗贊亦數十人利物不聞於昔時能事頓成於今日不朽之跡其在茲乎

# 溧陽縣志

## 卷一

輿地志 城池

聖

丞平昌孟公名希爽字欽占主簿天水道公名蝶字如山叶謀厥利欽奉明規金玉其聲冰壺其操鳳樓枳棘暫屈仇香之才雌伏海隅未展趙溫之歎尉趙郡李公名廷蘭尉宏農楊公名莊尉廬江何公名懷福員外尉南陽葉公名思溫並一時良佐五色才雄時未大來官聯下位仙童進玉潔白猶傳神母致符福慶不詆河南清貴代有其人都尉高勳克紹前烈凡所興創各進嘉謀同德比義以成茂績錄事宋石袁訓鄉望邵季良郊元禮拙元緒錢均志等邱壑高年閭閻英楚林野自得刀筆爲娛桑梓之惠既深山嶽之恩無答咏歌盛德託思下才茂實當示於將來刻石庶傳於不朽詞曰皇王奉天兮建邦國牧人首政兮寄銅墨偉哉吳生兮儀不忒專攝未幾兮休聲塞荆茲城宇兮架浮梁雲軒永構兮鬱相望頽壤素壁兮霞月光盤坳飛棟兮龍鳳襲厥蹟不朽兮德無忘明明幸治兮善爲政刑德具舉兮威恩盛公府是修兮方發詠層樓廣廈兮茲邑虔鏘鏘羣士兮代之賢居中行正兮佐烹鮮贊成茂績兮德可甄傳芳示德兮千億年開元十七年立○馬一龍過舊縣

○前朝城郭地一望草芊芊古樹巢雲鳥幾碑入墓田樵歌三徑月釜食幾家煙問俗尋鄉老猶能說古尤○趙巽舊縣感懷○浴日琴臺不可尋猶傳遺事此珠林花間客散懷仙詩湖北亭空想醉吟碑字漸隨苔徑沒

禪燈時映竹溪深百年殘展  
三秋雨到此彌傷弔古心

今治唐天復三年由舊縣徙此在燕山東北八里南唐  
昇元二年始築土城周四里有奇高一丈二尺濠周城  
外深五尺濶十之別有一河貫城宋建炎間西拓青安  
草市加廣二里西濠乃在城內焉時建陸門五東曰迎  
春南曰迎夏西曰迎秋北曰迎冬西北曰青安水門二  
上曰清暉下曰挹秀案上水關上有清暉堂明宏治十  
年符觀建 國朝康熙間改為太  
白樓下水關上挹秀堂宋崇寧中李亘建久  
廢又西城上有闔風臺登眺勝地亦明代廢  
至正十五年明太祖既渡江命將士修築界草市於外  
而廢青安門復南唐舊址越七年命部使者郭景祥加  
甃以石改四門之名曰東平西成南安北固四門之外

# 溧陽縣志

## 卷一

輿地志

城池

聖

### 增築甕城

宋溧溧陽州新城記○溧陽漢縣也今為州  
地居江左要衝城之當新視他州為急丞相

吳國公初渡江嘗命將士築之兵事方殷取具於一時  
叢石橫攢錮之邱泥其勢善崩濠淺而淤水至輒溢民  
恒患之越七年辛丑丞相重命部使者郭君景祥作新  
城郭君既至召其民謂曰爾間右民所恃以安者城無  
城曷生可不設圖厥土用剛厥石惟良釘杙為其上綱  
下墮鍊聖於爾以膠其壘無使壞傷敵以四門翼以樓  
櫓環以埤堦四門之外復設甕城鍛鐵承扉時其闔開  
勿侈勿陋中制乃已初有河貫城中柵木為關宜易以  
石上架徒杠外浚爾濠合直達無阻以便行舟爾間右民驗  
漸匯於南與河既合直達無阻以便行舟爾間右民驗  
爾田賦以出爾庸爾無講張以惑羣聽爾無惰窳弗程  
以煩我有司先功者賞後則及罰若問右小氓朝不謀  
夕盍寬之俾無有所與爾民何如或稽首至地曰如使  
者言自正月甲子至四月乙未新城成其周圍以尺計  
者九千有奇崇二十有七尺厚三分崇之數而居其二  
凡役民二千餘家工以日計一萬八千池之深廣視城  
之崇而稍殺焉其制一如郭君之經畫無少爽者倅乘  
俾予記其成以毋忘相國之賜而多郭君之功余聞之  
易曰王公設險以守其國所謂險者城郭溝池也使城  
高而池深縱鐵騎如林睥睨而不敢進者在古往往有

之苟或反是則一夫奮襁疾呼數萬之眾將披靡矣豈其人強弱遽爾殊哉險與不險故耳然則設險以守其國者何可廢哉或者不達以勞民爲解不知一時之勞實永世之逸也雖然城則高矣美矣若夫惇之以詩書道之以禮樂漸之以信義使斯民皆効死而弗去此則有土有民者當盡其責也相國軫念黎元之意其在茲乎是役也贊郭君之謀而宣勞爲多者憲掾趙岳總其役凡而集事者州守林公慶也系之以詩曰溧水之陽崇塘煇煇誰其親之惟實郭君有美郭君繡衣持斧欽奉相命克綏厥土綏之伊何莫堅匪城城其奠矣羣生以濟乃建教條乃糾功序乃登壽俊俾相告語取直準繩畚重雲與牲牲份份樹榦以植侯琢侯瑩侯春侯縶侯剛侯突不日而就仰瞻雉堞雜堞如陵俯觀河流河流載清我民曰噫相國生我寘之衽席脫彼水火相國明明使者繩繩威令是承績用以凝績用以凝宜傳無斁爰述聲詩勒諸樂石

宏治九年知縣

符觀以南城隘逼泮宮乃徙築河塹以廣之嘉靖三十四年知縣林命增修女牆加高五尺頽者撤而新之四年周爲冷鋪三十餘所以居守者又設瞭樓二座於南城

# 溧陽縣志

## 卷一

輿地志 城池

三

之東西其四門外民居盡處跨街爲樓以時啟閉倭寇

薄城知其有備遂去之三十五年知縣王諍繼葺四門

舊城四十二年知縣趙應元教諭林楚塞下水關別開

躍龍關於學宮左

林楚新開關河記略○壬戌歲予署學溧陽有鄉先生述吉山張公語謂

溧治一水中分氣洩而情離人文因以不顯若移南關於東導中分之水達於泮河逕學宮而出淪洽通暢士民俱利四十餘年未克之志欲予終之予思堪輿之家輔相地道理固有之卽以其事白於邑尊趙君君忻然捐俸以倡請於上司撫按皆曰可遂成之一如張公舊議凡長若干丈廣四丈深丈餘資出眾施工由廣募始事於癸亥十月訖功於甲子三月何以泮名從舊也關居學左名以躍龍取躍淵自試之義服則與二二子登城陴而覽勝其川流之縈回蕩漾如龍游地上氣象文明而淵深澄澈下映天光舟人來往又如乘槎而泛乎河漢耳目爲之一新矣而志慮不新可乎願二三子濯去舊見以起新知所志所學惟游夏之徒是師則文學之實可追前古苟從新其詞章以便進取謂足以顯人文而地道之靈止於是也必不然矣是役也倡其議者

狄生斯東輩厚其助而贊其成者玉陽史先生至萬曆於成始成終則趙君望雲也嘉靖四十三年立

三十二年知縣徐縉芳復增修女牆易東南二門額曰

東生南薰西北如故仍闢舊下水關與上水關對峙四

十六年教諭金維基建文昌閣於城上崇禎十五年知

縣金和復開躍龍關皆風水之說為之也

國朝初修城經費裁解兵餉間有頽圯康熙四年知縣徐

一經因紳士重修文閣開濬關河之請力圖修城於七

年捐建四門城櫓各三間三十九年知縣張士琬募修

南門甕城牆堞西門梁堞五十年知縣鄒柳濬城外河

雍正四年知縣邵錫光濬城內河乾隆三年知縣吳學

濂詳請動帑修築關城等處吳志云學濂於乾隆二年承乏茲士巡城開視女牆

# 溧陽縣志 卷一

輿地志 城池

盡墮且有夷曠如坦途踰越同短垣者恭遇 皇

仁曹被寓賑賑於工 詔許動帑修繕天下城隍於

是計段估工分別緊緩詳請修築署後與上水關兩處

一為倉庫重地一為舟船要津其他倒裂處所暨南門

與躍龍關圍洞隳壞日虞壓覆勢皆難緩須與四年春

領帑興役明年七月諸緊工告成其女牆樓櫓已登估

冊者亦將取次請帑修築焉是舉也不煩里甲一役不

費民間一錢而向之頽廢不堪夷坦可越者已整飭如

崇是皆 國家不惜帑金為百姓謀安堵為萬世奠金

湯知縣則考其成而已何力之有至城之內外河道淤

淺水色混濁幾類黃河是當亟謀濬 三十年知縣劉恩

縣 冊

訓復詳請修築城垣三十三年報竣以上今治源流參據野志舊縣志及

案溧水縣南九十里故城東有古開化城寰宇記

以為溧水舊縣疑即隋舊也元和郡縣志謂隋開

皇十一年宇文述割溧陽之西丹陽之東置溧水

然則隋時溧水管及今之溧陽西境而今溧陽志不敘開化古治者既改名溧水則不必更為敘入也若然永平永世平陵亦改名志得敘入者此三縣地全在今溧陽境內且其縣後廢久經併歸不得不敘也隋溧水既不全足今之溧陽地而自唐初至今未嘗省溧水歸溧陽自與三縣有別矣金陵志又別有溧水古城在溧水縣西南一里不載所始志疑為賴國城之類賴國之說殊未覈詳見疑辨不審何代所築也

公署 自唐以前無考茲所載治中各署皆在唐末所徙之治即今治也

知縣

# 溧陽縣志

## 卷一

輿地志 公署

五

知縣署在城內西北隅唐天復三年初始宋紹興十八

年知縣施祐重建元州縣署蓋仍之

案元代別有路府錄事司達魯花赤

各署俱未詳

明太祖吳國公元年知州王琳再建林公慶復

初為正堂洪武二十八年知縣盧何生修正統三年知

縣鄔瑀又修天順元年火知縣李溥及僚屬捐俸倡建

耆民助之

祭酒安成吳節重建公廨記畧○景泰乙亥長垣李公溥以名進士抱負才美來宰於茲

期年而政通人和相察廨宇卑狹弗倫欲事更新而理雖遠易乃天順丁丑夏邑東民部失火延及公廨悉為煨燼事聞詔許改作公捐俸為倡縣丞南昌熊公奎主簿南昌李公仁端崇甯宋公必華典史濱州李公綱繼之邑之耆民集議宣助遂鳩工市材涓日啟土先立察院以駐憲節簡繼修五聖土地諸祠以安神棲然後大裒工費經營縣治首廳事次儀門次官舍次吏居與夫倉庫犴獄麗譙牌坊射圃之屬咸一新之又端正甬道街衢左右廊廡罔不咸歸於宜作始是年之冬越明年秋而羣工告成士民往來式觀宏壯歎羨相仍咸願伐石

紀事以彰盛美乃具書託江甯令李公褒徵文於節節  
惟肯由天降政在人理理得其道民乃奠居昔者春秋  
之世宋陳與鄭同祿同辰二國因以衰替惟子產相鄭  
大施令政卒能以災膏之餘變為勝國今溧民失火賴  
令尹之賢躬勤撫綏大事興作甫越歲而縣治更新邑  
居改觀官無重費民不大勞與昔子產之令政又何異  
乎此端可以特書彰示盛美於無窮者故  
備書之以為溧人慶天順二年十一月立 萬曆三十六  
年知縣徐縉芳加葺

國朝康熙乾隆間亦屢有修建今參據舊縣志及野志將  
歷代廨宇興廢源流開列於後

大堂三間舊曰保民堂康熙四年知縣徐一經復於堂  
前建軒三間顏曰治在力行乾隆八年知縣吳學濂重

建史貽簡重建廳事記。縣有廳事為邑侯聽政之所  
安上全下布教令而宣德化者胥於是乎在做而弗  
理則官徂於陋民即於玩政疲事隳謂邑尚有治乎溧  
陽自唐末徙今治舊有廳事三楹明天順初燬於火為

# 溧陽縣志

## 卷一

輿地志 公署

吳

長庠李侯重建其前軒三楹則 本朝康熙四年徐侯  
履常所增置李距今已三百年徐亦八十年中間淮陽  
穀張侯略事補葺四十年來曰漸傾仄幾於廢矣瑞州  
吳公鶴山以 今上御極之二年來宰吾邑初視

事即慨然以興舉為己任顧天災流行旱澇相繼公焚  
心蒿目禱雨捕蝗勸災田賑饑口慰藉拊循惟口不足  
無暇以為也已而噉者哺癯者起巡於郊以勸課則視  
其水道之淤者濬之毋之墮者隄之隄之庫狹者培廣  
之經野粗畢猶無暇為也迺修築城關以固圍復太白  
樓以懷古創育嬰堂以字孤更建尊經閣以勸學備材  
增造樂登舍以便民輸賦上下洽也郊陬咸理然後議  
曰庀材撤廳事併前軒而一新之視舊制增高尺許凡  
用棟椽椳楔之屬若干礎砌之屬若干甃甃瓦甃之屬  
又若干俶載於癸亥冬十月某日迄歲暮告成又以其  
羨材修整譙樓及堂右之庫樓暨儀門三楹且設簡房  
於堂後東偏俾以公至者於此少憩焉是役也會有

恩蠲雍正十二年災糧前宰失於流抵公俞士民  
請詳覈侈解工役皆以直受雇無煩民力故工鉅而官  
不知費人不告勞公之因利興事皆此類也昔滕子京  
重修岳陽樓待遊觀之所非有關於出政治人之大者  
而范文正為之記猶必推本於政通人和要其肯於先  
憂後樂以視公為政八年百廢具興亦何一非籌畫於

此廳事中者顧必先水道圩隄次城關次閣次倉而徐及之其先後次第間不尤足見其用心所在無一不以民生爲汲汲者乎吾邑之人行野而樂有其隄澮入城而樂觀此城關橫經於學則樂見閣之新輸粟於倉則樂得厥之便凡皆樂其政通而人和也而况公所日泣之廳事於焉布政令而宣德化者一旦巍巍翼翼既麗且康顧而樂之以終不可誼也固其宜已余向官京師常樂聞公之有所興舉今方歸里適見廳事之成也因記之以爲後事之師庶有其舉之莫或廢歟昔乾隆九年歲在甲子正月下浣

後堂三間舊曰牧愛堂又顏曰節用愛人

馬一龍書四字今懸大堂

乾隆六年吳學濂重建

衙內堂舊曰清閒堂宋嘉定間知縣陸子通建取李白貞女碑琴清心閒句也

國朝康熙初衙內有近思堂徐志云當卽清閒堂故址乾

隆六年吳學濂修建改額曰正本堂

案此疑卽今宅門內之三堂舊縣志

# 溧陽縣志

## 卷一

輿地志 公署

四七

云宅門內衙舍次第三進如例

無倦堂在廳事東宋乾道中知縣喻安中建

程迥記○桐廬喻君

安中宰溧陽之二年榜其廳事之偏曰無倦蓋朝夕治事之所也示勤於政靡有怠忽之意聞其說曰事成於節而廢於怠然無爲安靜者近於惰而民便之躁擾紛論者近於敏而民病之近似之際不可不察也吾欲敏以成之又俾民知無爲安靜以便之去其惰以廢事與夫躁擾紛論而民病之者是亦有道也易曰天行健君子以自強不息夫天之度三百六十有五疇四分度之一日行一度故改歲而周天月行十三度有疇故改朔而周天惟天也一日之行已周乎日月之度以歲月致者可謂健矣然四時以之行百物以之生千歲之日至皆可預測何則行其所無事也世俗之所謂健者弊精神於蹇淺而規矩不自定故前日之所是所行者今已謂之非而改之矣譬夫醫工用藥迭補迭瀉則元氣涸矣雖身犯至勤以躁擾紛論而民反病之此吾所不爲也迥嘗聞歐陽文忠公對客多談吏事客疑之對曰文學止於潤身故事可以及物公昔爲夷陵令因觀故牘見其枉直乖錯不可勝數當時仰天誓心自是遇事罔敢忽也其後三十餘年出入中外以此自將而蘇東坡



亦以吏能自任且謂學於歐陽公夫後生視二公爲何如下者不能而不知勉高者以文雅自負不肯俯首下小留意吏治者豈理也哉安中名仲遷玉泉先生之子師友淵源能世其家者其爲縣不苟如此故入其境則民安其政造其庭則庶事順妥皆有條而不紊此缺之所致而民之所安順者乎安中屬迴爲之記迴忝玉泉先生之徒喜其事可傳故次其言實其所行附以歐萊之事其視終如始以稱無倦之義云乾道七年三月丙戌之吉久廢

### 國朝嘉慶十七年知縣錢唐陳鴻壽書原額懸之三堂

無愧堂在廳事後宋嘉定間知縣李泰原建王允文記○有爲政之地

斯有爲政之功地未立而政先焉君子所不敢知也然則孰爲爲政之地非是心之謂歟夫人之二心高可以對越上帝下可以感通萬物幽可以質鬼神明可以貫日月蓋仰無所愧俯無所作心之功用固如是也施於有政中天下而立定四海之民恢恢乎有餘地况一郡一邑之事乎然世之士大夫求政之功者常多求政之地者常少其或志帥失律心君不綱則利害得以攝持榮辱得以汨亂流俗得以蕩搖權勢得以挫奪其地既

## 溧陽縣志 卷一

輿地志 公署

四

已無足恃者則平而愛人利物之志類爲空言豈復能有美政哉李侯叔逢爲溧陽之明年子如吳中便道過之入其疆上地闢田野治禾麻菽粟油油翼翼閭閻墟落丁黃稚臺皆有歡欣和豫之色造其郭則人物殷富有承平全盛之風市肆恬熙無疾呼急步之警途巷相語稱大夫之賢者如出一辭登其庭牒訴寂然吏胥闕然狴犴廢於榛蕪桁楊臥於塵蓋單父武城絃歌雍容氣象恍然在目予行天下多矣未有縣政之修飭整齊若此者升堂坐定侯舉酒相勞苦因詢其治縣之方侯笑而言曰子特以今之所睹求我爾子所未睹可勝道哉吾之甫至是邦也蝗旱相仍疾厲交作盜寇充斥饑不入土爾望蕭然啼號掛瘠之所子之所謂殷富恬熙者迺昔之闕肆撤市物價翔涌自畫攫攘之區也子之所謂寂然闐然者迺昔之理荒誥盜戴星出入爬梳糲糲猶以不足者也夫今之爲吏莫難於縣而吾又適丁其至難然吾所易其難者獨恃此心之無愧耳拊循賑救未嘗不以身親之饑渴寒暑不計也蠲逋負寬明會率以意行之課殿畢免不郵也經以公恕緝以廉勤凡可以植仆僵者不遺餘力屬有天幸值賢制閭之來興除罷行罔不得請綿延暮歲迄用有成此溧陽之所以向無恙也予聞其語爲之矍然起敬思昔先達之論循

吏以魏貴卿爲第一謂貴卿爲所難而潁川南陽爲所易今廼溧陽縣見之子既與侯別從侯之兄連帥公遊客寓泥上一日貽書曰歲既登成縣且無事學宮門觀以次繕葺凡官居之撓敗者亦治新之適有餘材將堂燕寢之後扁曰無愧昔衛武公卓然成德之彥動容周旋盡善盡美逮其末路猶以相在爾室不愧屋漏形於歌詩以自警勵况後學乎吾取以爲法焉子其爲我記之子謝不敏而請之益堅是時侯爲縣且再葺去之日可俟矣而拳拳於無愧如一日其爲政之地何如也惟而上之所施者益闕所及者益廣功業之盛其有既乎堂之未作也無愧在侯之心所以謹其初及堂之既作也無愧在侯之堂所以善其終力行於心而後發見於堂其與世之違道干譽循名忘實者豈可同日道哉用不敢以淺薄爲辭而具著其顛末如此是役也取用於擗節之贏取時於耕穫之閒堂成而民不知勞至於楹棟之廣狹工費之豐約非侯所以委予者故不書侯名泰原叔逢其字也嘉定辛未三月既望

烟艇室在清閒堂後跨池爲之又有西齋其後爲讀書堂並宋陸子通建並久廢

# 溧陽縣志

## 卷一

輿地志 公署

四

八如齋透迥齋手詔亭頌春亭並宋李泰原建並久廢  
烟波亭綠淨亭大圓鏡亭並在縣署後城上並久廢  
竹賓軒在署東偏

國朝知縣張瓚建徐一經額久廢

若木亭亦在署東偏康熙初徐一經朝夕治事於此時亭前有喬桑百餘年物也後知縣張燕改額曰勾當清風乾隆初吳學濂知縣時爲宴賓肅客之所今古桑猶挺立焉

案今花廳初名聽雨亭後改春暉亭疑卽其地耳

桑連理館在三堂西嘉慶十六年知縣陳鴻壽命名庭有連理桑故也詳見古蹟

大堂之東舊有贊政廳三間康熙元年典史陳必達重

建今廢

大堂之西為庫藏樓二間舊係平屋明嘉靖初知縣湯  
虺甃為石室架樓其上

堂下東西為六房

東吏戶禮又稅糧承發西兵  
刑工又明代有驛傳馬政

舊各五

楹東西房後各有吏舍乾隆七年吳學濂重修西首舊

為儀仗庫東之南舊為架閣庫各二楹

堂前甬道正中有戒石亭

嘉慶十六年知縣事  
陳鴻壽重書立石

其東舊

為迎賓館三間康熙四年徐一經重葺取孟郊詩顏曰

審交南首儀門三間康熙四年徐一經修乾隆八年吳

學濂重建

阜隸房獄室  
俱在儀門內

門外舊有東西馬房各三間

西馬

房自前明已  
改為小監

西首舊有櫃所康熙四年徐一經建為區

溧陽縣志

卷一

輿地志 公署

五

里納課之地正南為頭門門上麗譙三間康熙四年徐

一經整理五十八年何得麟修

黃夢麟記

乾隆八年吳學濂

又修門外東首舊有旌善亭本在縣治南明符觀易民

張謙地徙建西首舊有申明亭本亦在縣治南符觀易

民黃紀地徙建並久廢今為班役伺直處

縣丞

縣丞署舊在縣堂東內有來月堂宋丞衛樵建久廢後

徙丞署於縣堂之西

典史

典史署在縣堂東古贊政廳之左康熙間陳必達重葺

舊有懷曜軒謂仰慕貞曜先生也前明已廢

學官

教諭署在明倫堂東

訓導署在明倫堂西

武職

都司署在南門外樂登倉西

千總署在都司署前

附錄廢署

都察院行館在城北本宋金淵書院明宣德間知縣李銘改爲行館成化間知縣靳璋重修知縣熊達移趙氏忠義石置堂後宏治八年知縣符觀嫌其淺隘買民人鍾浩地展拓前門至萬厯間仍名書院云

溧陽縣志

卷一

輿地志

公署附廢署

五

察院行館本在縣治東明洪武七年知縣吉希古建天順初火知縣李溥重建之宏治四年知縣楊榮以其淺隘臨街改建於都察院西畔八年符觀買民人鍾浩地增廣制度又移趙氏蒼雲石置樓後萬厯間知縣李光

祖重修

史繼長記○吾邑介在畿南以東爲京兆一鉅邑冠蓋往來匪乏故有使院不知瓶自何年乃

今寢就傾夷幾於有其廢之莫敢舉矣乙未冬南昌奎恒李侯以進士高第來宰茲邑諸凡休養生息靡遺餘力再踰年而政通人和百廢具舉乃詣院四顧爲之惜惜者久之尋奏記當道曰職不佞治行後人先務不敢不急邑有使院一區規制故湫底厯年既久填茨椳棟狼籍堙頽則無以肅容大夫行李之辱者矧畿輔吳會觀風使者歲時行部實式臨之而做壞一至於此干擻觀望謂何按故牘修繕百需率取給贖緩自頃輸佐縣官急檢筦庫塵塵三百五十金不足則請括節縮雇募羨金向所屑越不可究詰者亦尙可得若干緡庶幾可裨茲役上令憲署改觀而下無所苦繁費計良便當事者咸報可乃以五月望日庀匠事會郭外民有鬻其居

室以供通賦者侯亟倍其直售之於是基仍舊貫堂凡三棟深若廣各數丈構楹輪奐與言言翼翼可以臨民堂之後爲樓壯麗稱是可以眺遠其宅燕堂重門前軒夾解一切撓者易之圯者築之上漏旁穿者撤而甃甃之院後隙地一山石玲瓏巖窠宋人題識猶存稍移置之西面上有栢干霄東有竹檀欒數十個則西構一亭向之而登石爲池其下人謂是舉也無論役不逾時費不及國鼎新革故煥然耳目卽亭之內巖巖具瞻澄泓止水栢傲不阿竹矜不俗侯之託寄似各有取爾者豈直以退食從容供玩適已耶於是九月九日告竣侯謂辰邑人不可無記子嘗讀易而探有味乎觀與大壯之旨也夫觀以省方觀民非今使者代巡狩事乎然使弭節無甯若以爲使命辱遠方下邑且羞之將何觀焉且大壯以四陽浸長而易傳顧取棟宇壯固之義乃知公署之廢興亦符君子之進止得則爲棟隆爲大觀失則爲棟撓爲闕觀蓋所繫如此其重也故昔春秋單子如陳以館侯不修規其必覆公孫僑一小國陪貳耳得毀垣以納幣而令盟主踟躕謝過爲更築諸侯之館夫亦惟是于旄至止簡書鄭重豈宜暴露於風雨之不時而令隸人妣媿視之者其非顛以飾厨傳媚過客明矣邇來吏治惰窳視屏宇若傳郵然鮮所經意上焉者重費遠嫌慮不亡撥靜約之譽居已於逸而遺後人以勞下焉

# 溧陽縣志

## 卷一

輿地志 公署附廢署

至

者管蒞其民竊膏脂以自潤比比也斯果視國如家而明於觀大壯之旨耶侯孝友篤至施于有政大都敦教化裁耗羨止訟禁姦豪捐稟凜被霜雪四封赤子噢休安集不啻膏雨沐而春風噓其正夫剛壯可通乎天地而諸所興除不大聲色又真所謂顯若之觀穆乎神明者易道自身出矣故棟棟焉振廢舉墜功成不日賓至如歸而國家憲臣之體統歸如軒如甯非一方之大觀不朽之盛事乎自是輜軒四出褰帷問俗首善是先于以宣德意而導涇鬱庇其宇下甯止一世侯之造福溧人遠矣是歲侯業以三載奏最闕下旦夕且以循良高第徵治行卓絕傳循吏者不能舉其凡區區建置特善政之一斑耳奚足爲侯侈哉侯名光祖萬曆二十三年進士協贊其成者邑丞黃君正倅張君應豸尉顏君問邦職業之暇分董其事者學博施君子蕃法得並書以紀經始之勞云

萬曆己亥立

今改平陵書院

京兆行館本在縣治西舊關王廟址明成化間靳璋建爲傳舍其後本府通判蔣苓改作本府行館嘉靖二十七年署縣通判張峯買民地改建縣東曰京兆行臺馬

一龍記之

國朝康熙徐志謂今遺址猶存而為鄰人所據乾隆吳志謂崇禎九年知縣許奉文變賣民間今建節孝祠未詳孰是

建康等處財賦提舉司在今溧陽縣西門外永定坊元

至大二年置

案舊縣志志誤作江浙財賦提舉司又以為宋置考宋代無此官舊縣志趙淮傳雖有別運江東置司溧陽之語而宋史本傳但稱累官至淮東轉運使不言置司溧陽且係淮東轉運非兩浙提舉也今據金陵志改正特彼無西門外永定坊之文耳

捕盜司在縣西教場元置

案舊縣志亦以為宋置考宋代無此官亦據金陵志改正

織染局元置舊縣志謂在縣治南臨謝池則是南城謝

婆渰附近也金陵志謂即古金淵館則又在縣治北未

溧陽縣志

卷一

輿地志

公署附廢署

五

詳孰是

巡檢寨一在山山前一在舊縣宋置

稅柵亦在山山前檢稅亭在挹秀門內並宋置

案宋有監市務

酒稅官一員未知當駐何所亦未知亭柵之外有無別署

馬政廳在西門外馬神廟右

案舊縣志不載建置置時代考溧陽馬政元明俱有之

此廳起於何代誠不能確指也

主簿署自明以前無考明制三員縣堂西為管糧又西

為水利又西為管馬舊有栖鳳軒取枳棘鸞鳳之義不

知三所焉屬也

巡檢司在上興步明洪武初置嘉靖間裁改公館

稅庫局在縣治東南明洪武初置正統間裁成化復置

嘉靖復裁

陰陽學醫學俱在縣治東明洪武初置成化間修  
僧會司在東門外報恩寺道會司在城內東南隅泰清  
觀並明置

溧陽縣志

卷一

輿地志

公署附廢署

五十四



